

E DIFERENCIA DEN NOTICIA

BON GOBERNACION RIBA PAPEL, POSPONEMENTO DEN PRACTICA



**CUANTO CACHO DI
CAYA ARUBA TIN REALMENTE
Y KEN TA CONTA NAN?** 3

**COBARDENAN CU TA TARGET MUCHA:
E BERDAD RIBA
CONTROL Y ABUSO** 4

**SI HUMA DI SIGARIA TA INACEPTABEL
PAKICO NOS TA TOLERA
DAÑO DI ALCOHOL SI?** 6



Payroll Pro
HRM
WWW.PAYROLLPROHRM.COM

WHY PAYROLL PRO BEATS THE REST



THE MOST TRUSTED, ALL-IN-ONE HRM & PAYROLL SOFTWARE

OFFICIAL DISTRIBUTOR

VCC REAL SOFTWARE
International NV REAL SUPPORT
www.vcc-hr.com
+297 583-7072

Bon gobernacion riba papel, posponemento den practica

DEN e comunicado reciente di College Aruba financieel toezicht (CAft), ta enfatisa atrobe cu introduccion di un Landsverordening corporate governance y regla cla pa pago di dividende ta un paso necesario padilanti. Esaki ta wordo presenta como un base institucional fuerte: **Un framework moderno cu mester aumenta transparencia, reforsa control, y proteha recursonan publico miho.** Segun CAft, e marconan aki por yuda Aruba señala riesgonan financiero na companianan estatal mas trempan y realiza mas rendimiento social—‘*siempre y cuando*’ introduci nan efectivamente y aplica nan consecuentemente. Cu esaki, e enfoka no ta solamente riba e ley como un intencion, sino riba e ehecucion como e prueba di credibilidad.

Pero esun cu a sigui e debate publico di e ultimo añanan, no por scapa di un constatacion incomodo: **E tema aki no ta nobo.** Al contrario. Pa añanan largo a boga pa esaki cu urgencia. El a wordo uza como argumento den atakenan politico. El a wordo cita como prueba di fayon den gobernacion di gobiernonan anterior. Y awor?


Awor parce cu e ta den un fase di posponemento atrobe.

Corporate governance no ta un concepto academico. **E ta trata di preguntanan concreto:** Ken ta dicidi riba pago di dividende? Bou di cua condicion? Ken ta controla? Ken ta corigir? Con ta preveni conflicto di interes? E ta trata di poder y contra-poder den companianan estatal. Riba e proteccion di capital publico.

E promesa di un Landsverordening corporate governance ta sugeri un fortificacion institucional. Pero un ley cu no ta wordo introduci, of cu ta wordo aproba pero no ta wordo manteni, ta perde su esencia. Gobernacion no ta rekeri solamente frameworknan huridico, sino boluntad politico.

Loke ta haci e debate aki extra skerpi ta e ironia politico. E mesun actornan cu tabata critica gobiernonan anterior fuertemente pa e falta di un codigo di gobernacion, awor mes tin e responsabilidad pa implementa esaki efectivamente. E pregunta cu inevitablemente ta surgi: **Pakico awor ta dura asina largo?**

E ta un cuestion di complexidad tecnico? Falta di capacidad? Of e ta e realidad incomodo cu gobernacion estricto tambe



ta limita influencia politico?

Un codigo di gobernacion robusto ta limita e espacio discrecionalario. E ta stipula proceduranan. E ta obliga transparencia. E ta haci desviacionnan visibel. Esey ta netamente e intencion—pero tambe netamente loke tin biaha ta lanta resistencia.

E maneho di dividend ta un bon ehempel di esaki. Ora companianan estatal genera ganashi, e tentacion ta grandi pa uza e fluho di dividend pa presupuesto di corto plaso. Pero sin reglanan cla, esaki por bay a costo di e capacidad di inversion y estabilidad financiero di e compania mes. gobernacion ta rekeri disciplina. Y disciplina casi nunca ta popular.

E posponemento di implementacion ta afecta credibilidad. No solamente di e maneho, sino di e discurso politico cu a bin prome. Ora reformanan wordo cualifica como urgente pa añanan largo, pero despues keda pega den retraso procedural, esaki ta crea skepticismo.

E pregunta fundamental ta simpel: Si bon gobernacion ta esencial pa un maneho financiero sano, pakico no ta introduci esaki cu prioridad? Y si e problema ta mantencion (handhaving), pakico no ta comunica esaki oficialmente?

Un base fuerte “*siempre y cuando aplica consecuentemente*” ta un promesa condicional. Sin aplicacion, e ta simplemente un declaracion di intencion. Aruba no tin un falta di plan di maneho. Loke falta ta ehecucion consistente.

Corporate governance no ta un slogan politico. E ta un eleccion structural pa transparencia, purificacion di rol, y duna cuenta. Esun cu defende e principio ey pa añanan largo, mester ta dispuesto pa aplica esaki su mes tambe—hasta ora esaki bira incomodo.

Pasobra bon gobernacion no ta cuminsa cu un anuncio. E ta cuminsa cu cumplimento.

Cuanto cacho di caya Aruba tin realmente y ken ta conta nan?

CADA un par di luna, e problema ta bolbe surgi na Aruba. Gruponan di cacho ta cana rond den barionan. Cachonan ta crusa caminda druk den pura. Shelternan ta yen y ta pidi ayudo desesperadamente. Rednan social ta yena cu frustracion y compasion na mesun momento. Declaracionnan ta wordo publica y campananan ta wordo anuncia. Despues e urgencia ta baha — te ora e proximo incidente sosode.

Pero bou di e problema cu nos ta mira, tin un pregunta mas profundo y structural: Aruba sa realmente e cantidad di cacho riba caya y esnan cu ta cana liber riba e isla?

Maneho sin data ta un reaccion, no un strategia.

Mayoria di e discusionnan publico ta basa riba evidencia anecdotico — e cantidad di cacho cu shelter ta ricibi, update di rescatista, of keho di ciudadano. E cifranan aki ta bisa nos algo, pero nan no ta bisa nos tur cos. Un shelter por reporta cuanto animal nan ta ricibi, pero esey no ta revela cuanto mas ta keda cana liber for di San Nicolas te Noord. E cantidad cu ta drenta shelter ta refleha nan capacidad, no e poblacion total.


Sin un base verifica, ta imposibel pa stipula meta midi. Con nos por determina si e campananan di sterilisacion ta efectivo? Con nos por evalua si e abandono ta aumentando of bahando? Con nos por hustifica gasto publico sin indicadornan cla di e impacto? Den otro sectornan, Aruba ta registra data cu hopi precision. Cantidad di turista cu ta yega ta wordo conta meticulosamente. Indicadornan economico ta wordo publica. Accidentenan di trafico ta wordo registra. Pero ora ta trata di cachonan di caya — un tema cu tin di haber cu seguridad publico, imagen turistico, bienestar di animal y presupuesto municipal — e cifranan ta keda poco cla pa publico.

P'esey, nos mester haci preguntanan incomodo pero necesario: Nos tin metricanan di rendimiento cla y midi pa e programanan di sterilisacion na Aruba? Cuanto cacho ta wordo sterilisa anualmente, y kico ta e porcentahe cu esaki ta representa di e poblacion total? Tin un mapa geografico accesibel pa publico cu ta identifica areanan di alta densidad den nos districtonan? Cua barionan ta mas afecta — y pakico? A yega di haci un analisis serio cu ta conecta e cifra di abandono cu e condicionnan socio-economico of falta di cumplimiento di ley? Tin meta publico pa reduccion di e poblacion den e proximo cinco añanan, y con exactamente ta midi e progreso?

Esakinan no ta acusacion. Nan ta pregunta di gobernacion.

Registra e poblacion no ta algo imposibel pa un isla chikito.

Metodonan ta existi: Observacion den caya, uzo obligatorio di microchip cu un database centralisa, mapping via GIS di e sitionan cu mas keho, y analisis di entrada den shelter pa cada distrito. Establece un punto di salida y meta di reduccion pa cinco aña lo cambia e discusion di un reaccion emocional pa un planificacion



cu responsabilidad.

Compasion no ta falta. Boluntarionan ta traha incansablemente y donacionnan ta drenta. Pero compasion sin midi no por produci reforma structural. Sin cifranan accesibel pa publico, nos no sa kico realmente ta funciona — y kico por ta simplemente un ehercicio di relacion publico.

Riba un isla chikito, duna cuenta mester ta mas facil, no mas dificil. Conta esnan cu no a wordo conta no ta un exceso burocratico. E ta e punto di salida pa un maneho serio.

Sospechoso den caso Bromelia acepta sancion di Ministerio Publico

AYERA e sospechoso H. Ruiz a presenta den un Cita cu Fiscal na Ministerio Publico pa responde pa malversacion di fondonan publico di placa di SSA (Stichting Sportsubsidie Aruba) den e caso conoci como Bromelia.

Siman pasa Corte den Prome Instancia a condena e sospechoso principal den e caso Bromelia, e homber K.R.V., pa un castigo di prizon di 16 luna, di cual 10 ta condicional, y un periodo di prueba di tres aña.

Durante e investigacion Bromelia a resulta cu e sospechoso Ruiz a haci gastonan priva cu e carchi bancario di SSA pa un montante di mas of menos Afl. 1800. Ademá el a comete falsificacion. Mientrastanto el a paga e suma menciona back na SSA.

Teniendo cuenta cu su funcion como dirigente di Consejo di Supervision di SSA, Ministerio Publico ta considera e echonan aki specialmente grave.

Ayera Ministerio Publico a ofrec'e un resolucian extrahudicial, cu el a acepta. Ta trata di 100 ora di trabao pa comunidad, un multa di Afl. 1500 y publicacion di e comunicado di prensa aki.

Cobardenan cu ta target mucha:

E berdad riba control y abuso

ABUSO sexual di mucha hopi biaha ta wordo describi incorrectamente como un deseo fuera di control. E splicacion ey no solamente ta falso, sino cu e ta permiti e ofensornan sconde tras di un mentira. E crimen aki no ta trata di pasion; e ta trata di poder.

Muchanan ta mas chikito, dependiente, yen di confiansa, y ainda den desarojo emocional. Nan ta depende di adultonan pa siguridad y proteccion. Abusadonan ta explota e dependencia ey. Nan no ta scoge mucha pasobra e mucha ta “madura,” sino pasobra muchanan no por bringa bek den e mesun manera cu un adulto por.

Den su esencia, e comportacion aki ta bin di debilidad.

Hopi ofensor tin dificultad pa forma relacionnan sano cu otro adulto. Relacionnan real ta rekeri igualdad, madurez emocional, comunicacion, y e capacidad pa maneha rechaso. Tin personanan cu no por maneha esey. Nan ta sinti nan mes insegur, inadecua, of socialmente inferior. En bes di enfrenta

nan mesun fayonan, nan ta busca situacionnan caminda nan por sinti nan mes superior sin ningun reto.

Un mucha ta ofrece e desbalansa ey. Esaki no ta forsa; e ta cobardia.

Psicologicamente, esaki hopi biaha ta refleha loke expertonan ta yama “comportacion compensatorio”—trata di tapa sentimentonan profundo di inadecuacion door di domina un persona mas vulnerabel. En bes di traha riba nan confiansa via logro, integridad, of conexon, nan ta crea un poder falso door di controla un persona cu no por defende su mes.

Tambe nan ta uza truconan mental pa hustifica loke nan ta haci, locual ta wordo yama distorsion cognitivo. Esakinan ta creencianan falso pa haci e comportacion dañino parece aceptabel den nan mesun mente. Nan ta gaña nan mes bisando cu e mucha tabata kier atencion, of cu esaki no ta haci nan daño. Esakinan ta mentira cu nan ta ripiti pa evita di enfrenta e berdad: ***Nan ta herida un persona cu a confia den nan.***

Abuso tambe ta encera “grooming”—traha confiansa pocopoco, crea secreto, y test e limitenan. Esaki ta muestra planificacion, conocimiento, y calculacion. Esaki no ta un perdida di control; e ta manipulacion controla.

Yamando nan “monster” tin biaha por haci e problema parece leu. E berdad mas duro ta cu hopi di e personanan aki ta emocionalmente inmadura, socialmente frustra, y profundamente insegur. Nan no por tin exito den espacionan igualitario cu adulto, p’esey nan ta busca dominacion caminda no tin competencia. Abuso sexual di mucha no ta trata di atraccion; e ta trata di dominio. Ta trata di scoge e target mas facil y explota confiansa pasobra nan no tin e capacidad pa un intimidacion real.

Compronde esaki ta importante pa prevencion, reconociendo patronchinan: Adultonan cu ta insisti riba secreto, cu ta isola mucha, cu ta duna fabor special, of ta test limitenan fisico. Esakinan no ta señal di afecto; nan ta señalnan di alerta. Na su esencia, e crimen aki ta refleha fayos moral y debilidad emocional. No tin nada poderoso den explota un mucha; tin solamente cobardia scondi tras di control.



Join our team!

Supervisor Individual Life & Pension

As Supervisor, you will play a key role in leading and coordinating the Individual Life & Pension Operations team by ensuring accurate execution, monitoring and improvement of our processes – translating strategy into structured actions.

By combining operational oversight, team leadership and analytical insights, you will help strengthen service quality and drive continuous improvement for the benefit of our staff and insureds.

Are you ready to make an impact?
Apply before March 13, 2026!
<https://qrco.de/VACLPAA>



Apply here!

Guardian Group
Fatum

live easy


myguardiangroup.com



**CUMpra 2 LOTTO 5
Y HAYA 1 LOTTO 5
LOCO GRATIS**

CON PA HUNGA?

CU CADA COMPRA DI 2 LOTTO 5 RIBA E
MESUN TICKET TA RICIBI 1 LOTTO 5 LOCO
COMPLETAMENTE **GRATIS**. MAS BO CUMpra,
MAS TICKET LOCO **GRATIS** BO LO RICIBI!

PROMOCION TA VALIDO
DESDE 1 DI MAART TE CU 31 DI MAART



www.lottoaruba.com



Si huma di sigaria ta inacceptabel

Pakico nos ta tolera daño di alcohol si?

SOCIEDADNAN no a regula humamento asina agresivamente pasobra humadonan tabata haci nan mes daño. E punto di cambio real a bin ora cu ciencia a prueba un echo innegabel: **Huma di sigaria ‘second hand’ ta mata.**

Ora cu a bira cla cu personanan cu no ta huma tabata wordo exponi—den restaurant, oficina, avion, y hasta cas—maneho publico a cambia. Prohibicion riba humamento a wordo hustifica no como un huicio moral, sino como proteccion pa personanan inocente rond di e humado.

E logica tabata simpel: Bo escogencia personal ta termina caminda salud di un otro persona ta cuminsa.

Awor considera alcohol.

Gobiernonan ta cobra impuesto riba dje, ta regula limitenan di edad, y ta promove campananan di “*bebe cu responsabilidad*”. Pero e enfoque general di maneho ta trata alcohol principalmente como un riesgo personal. Sinembargo, e datonan ta conta un storia diferente. Alcohol ta contribui na fatalidadnan den trafico, violencia domestico, accidentenan na pia di trabao, y carganan den cuidu di salud riba largo plaso. Hopi victima no t’esnan cu a bebe mes.

Maneha bou di influencia so caba ta un refleho di e argumento di humamento ‘second hand’. Chauffeur, peaton, y pasahero inocente ta muri pasobra un otro persona a scoge pa bebe excesivamente. Famianan ta wordo cambia pa semper

pa decisionnan cu nan no a tuma. E daño ta extende pafo.

Fuera di fatalidadnan riba caminda, violencia relata na alcohol hopi biaha ta impacta partnernan, yiunan, y personanan presente. Salanan di emergencia ta trata victimanan cu nunca a consumi ni un gota. Sistemanan di cuidu di salud ta absorbe costonan causa pa lesionnan y enfermidadnan cronico relata na alcohol. Productividad ta baha y servicionan social ta bou di presion.

Pakico anto sigaria a enfrenta prohibicion general den espacio publico, mientras alcohol ta keda hopi biaha normalisa?

Parti di e diferencia ta den visibilidad. Exposicion na huma ‘secondhand’ tabata midi den e aire comparti. E daño di alcohol ta episodico y ta depende di comportacion. No tur persona cu ta bebe ta bira un peligro. Hopi ta consumi cu responsabilidad. E variabilidad aki ta complica regulacion general.

Tambe tin un custumber cultural profundo. Alcohol ta mara na celebracionnan, turismo, y ritualnan social. Sigaria, cu tempo, a perde su “glamour”. Alcohol ta mantene esey.

E pregunta di maneho ta keda valido: Ki ora consumo priva ta bira un riesgo publico suficiente significativo pa hustifica intervencion mas fuerte?

E debate no ta trata di prohibicion. Historia ta muestra cu prohibicion total por crea mercadonan preto y consecuencianan no desea. E debate ta trata di responsabilidad proporcional. Si e framework di salud publico a cambia drasticamente ora a proba cu huma ‘secondhand’ ta dañino, maneho di alcohol mester evoluciona mas agresivamente ora tin evidencia di tanto daño na otronan?

E issue profundo por ta consistencia. Si nos a hustifica regulacion di humamento pasobra e tabata pone esnan cu no ta uz’e na peligro, e mesun principio mester aplica logicamente na e daño cu alcohol ta causa na otronan. Libertad no ta absoluto ora bida di personanan inocente ta na peligro.

af

Alliance Française
Aruba



Ta ofrece den maart e siguiente cursonan di Frances:

Nivel A1-1: Principiante PARTI 1

Nivel A1 -2 Principiante PARTI 2

Subi nos Facebook page pa haya mas informacion.
f: Alliance française Aruba



ATM DAKOTA DEN MANTENCION DIA 5, 6 Y 7 DI MAART

Apreciabel cliente,

Nos **ATM** situa na Dakota, banda di Stadion Guillermo Prospero Trinidad, lo ta cera durante e orarionan di **mantencion**:

- Dia **5** y **6** di maart: cera entre **8:00 AM** y **5:00 PM**.
- Dia **7** di maart: cera entre **8:00 AM** y **12:00 PM**.

Nos ta pidi disculpa pa cualkier inconveniencia.
Nos ATMnan mas serca di ATM Dakota ta:
Kooyman, ABC Branch y Main Office.

Pa otro localidadnan di ATM, por favor scan e **QR-code**.

Danki pa scoge Bo Amigo.



ATM finder

 [cmbnews](#)  [cmbnv](#)

cmbnv.com

DVG ta informa

Sushi deposita na damnan ta menasa pa salud publico

SEGUN un noticia publica. Departamento di Agricultura Santa Rosa a expresa su preocupacion pa cu e situacion unda sushi ta wordo benta rond di damnan na Aruba. Na diferente damnan, sushi ta keda tira na rand of hasta den e awa mes, algo cu Santa Rosa ta cualifica como condenabel.

E damnan aki no ta simplemente almacena awa. Na Aruba, hopi cunukeronan ta uza e awa di dam pa muha cosecha y tambe pa duna bestianan bebe. Ora sushi ta wordo tira na of den e damnan aki, e awa por wordo contamina cu bacteria, substancianan peligroso of resto di material cu por afecta salud tanto di animal como di hende.

E peligro ta serio. Bestia cu bebe awa contamina por bira malo of transmiti enfermedad. Si e awa contamina ta uza pa agricultura, e contaminacion tambe por drenta den e cadena alimenticio. Esaki por crea riesgo pa salud publico, specialmente ora producto di tera local ta yega na consumo humano.

Ademas di esaki, tambe ta wordo haci un apelacion na companianan di chica pos pa tene cuenta cu e peligro cu nan por ocasiona. Deposita awa sushi den damnan of laba trucknan di chica pos cu awa di dam por contribui na contaminacion di e awa. Practicanan asina no solamente ta



afecta medio ambiente, pero tambe por pone den peligro agricultura, bestianan y salud di comunidad.

E preocupacion ta aun mas relevante awor cu mercado di productonan local ta creciendo na Aruba. Cu mas produccion local ta wordo promovi y consumi, ta mas importante aun pa sigura cu e awa cu ta wordo uza pa agricultura ta limpia y seguro.

Autoridadnan ta sigui insisti cu damnan no ta luga pa deposita desperdicio. Mantene e damnan limpi ta esencial pa proteha produccion local, bienestar di bestia y salud publico di Aruba.

A first communion deserves a first-class celebration

Celebrate a once-in-a-lifetime milestone like your child's First Holy Communion together with family.

Mark the occasion with a gathering that feels truly special, with our Holy Communion packages tailored to your celebration needs.

Now booking Holy Communion celebrations.

Lilian Polsbroek
Lilian.Polsbroek@hilton.com
526 6120

Hilton
ARUBA CARIBBEAN
RESORT & CASINO

DBB ta urgi ciudadanonan pa evita biahe pa Medio Oriente

MINISTERIO di Asuntonan Exterior di Reino Hulandes, pa medio di Departamento di Relacionnan Exterior di Aruba (DBB), ta emiti un aviso urgente na tur ciudadano pa evita biahe pa Medio Oriente.

E yamada aki ta bini como resultado di e riesgonan di seguridad halto cu ta afectando e region actualmente.

Riesgonan y situacion actual

E situacion na Medio Oriente ta keda extremadamente tenso y impredecibel. Tin un riesgo real pa ceramento di espacio aereo y cancelacion di vuelonan sin previo aviso.

Ademas stranheronan, incluyendo ciudadanonan di Reino Hulandes ta core un riesgo eleva di detencion arbitrario.

Ta pidi pa tene cuenta cu, den situacionnan di crisis, e capacidad di Embahada Hulandes pa brinda asistencia consular por ta hopi limita of inexistente.

E advertencia aki ta conta en particular pa biahenan pa Iran, Israel, Irak, Libanon, Emiratos Arabes Uni y e islanan Abu Musa y Tunb.

Instruccion urgente: Crisis Contactformulier (Deadline 6 di Maart)

Ministerio di Asuntonan Exterior di Reino Hulandes ta conseha tur persona cu ya caba ta den e region pa evalua nan situacion y sali for di e area si esaki ta posibel di un forma sigur y controla.

Actualmente e Crisis Contactformulier ta wordo uza pa personanan cu a keda pega den e siguiente teritorionan: Israel, Territorionan Palestino (West Bank), Jordania, Iran, Irak, Libanon, Oman, Bahrein, Kuwait, Qatar, Saudi-Arabië y Emiratos Arabes Uni. E Crisis Contactformulier por ser haya riba e website di Ministerio di Asuntonan

Exterior di Reino Hulandes via e siguiente link: <https://www.nederlandwereldwijd.nl/crisis/formulier>

• **Deadline:** E formulario aki lo cera diabierna 6

di maart 2026 pa 12:00 di merdia (ora di Hulanda).

• **Condicionnan:** Por yena e formulario solamente si bo ta pega den e paisnan menciona y bo ta biba na Hulanda of den e parti Caribense di Reino manera Aruba, y bo tin nacionalidad Hulandes (of bo ta partner/yiu di un persona cu nacionalidad Hulandes).

Asistencia y registro

Pa keda informa di e desaroyonan mas reciente, ta crucial pa registra via e Informatieservice: <https://informatieservice.nederlandwereldwijd.nl/>. Esnan den necesidad por tuma contacto via e contactcenter 24 ora pa dia via: +31 247 247 247.


Departamento di Relacionnan Exterior Aruba ta enfatisa e importancia pa keda alerta, bon informa y sigui estrictamente e consehonan di biahe oficial via e website di Ministerio di Asuntonan Exterior di Reino Hulandes: www.nederlandwereldwijd.nl/reisadvies.



13 Days Europe Cruise 2026

Ship: Norwegian Star

Date:
7 - 20
October
2026






Visiting:

Lisbon Portugal, Funchal Madeira, Tenerife Canary Islands, Las Palmas Canary Islands, Puerto del Sol Spain, Agadir Morocco, Tangier Morocco, Granada Spain, Gibraltar United Kingdom, Seville Spain, Portimao Portugal, Lisbon Portugal

Price:

- Inside: \$2500,-pp (DBL Occupancy)
- Non Refundable Deposit: \$600,- Per Room
- Final Payment: 1 June 2026

Excluded:

-Flights- Hotels Before & After Cruise- Personal Expenses

For more info:

+297 5937933 Benschoptravel@gmail.com

A.T.A. a nombra Carl Quant como 'Area Director Europe' pa sigui fortalece e mercado Europeo

ARUBA Tourism Authority (A.T.A.) tin e placer pa anuncia cu Carl Quant a keda nombra como Area Director Europe. Carl ta tuma e posicion oficialmente dia 1 april 2026, y den su responsabilidad nobo e lo dirigi tur strategia pa e mercado Europeo y impulsa desaroyo turistico di Aruba den Europa.

E posicion di Area Director Europe a wordo ocupa e ultimo 15 añanan pa Tirso Tromp, cu a traha cu gran pasion, entrega y energia. Siguiendo su regreso pa Aruba, Tirso lo tuma e funcion di Senior Business Manager na A.T.A. iniciando dia 1 april 2026, caminda e lo sigui haci un aportacion valioso na e organisacion.

Den su funcion nobo, Quant lo traha di cerca cu e ekipo Europeo y cu partnernan strategico pa sigui reforsa e posicion di Aruba den continente. E enfoque ta riba consistencia di marca 'Aruba', lasonan duradero cu partnernan, y tambe atrae huespednan di calidad halto cu por identifica nan mes cu e balornan y caracter di nos isla.

Quant a cuminsa su carera den e sector di hospitalidad na Aruba, trahando cu diferente cadenan di hotel internacional. Su trabou cu Aruba Conservation Foundation (ACF) a hunga un rol importante y a contribui na su conocimiento di conservacion di naturalesa y turismo responsabel. Despues cu Quant a muda pa Hulanda, el a eherce diferente funcion entre otro comercial y strategico den hotelnan di 'business' y luho, cu a permiti Quant gana experiencia valioso den mercado Europeo. Carl a sigui su carera na A.T.A. como Sales & Marketing Manager Europe, unda cu e lo ocupa e posicion te cu 30 di maart 2026. E combinacion di experiencia internacional y su conexon profundo cu Aruba ta duna un base firme pa su funcion como Area Director Europe.

"Ta un honor pa mi pa por tuma e responsabilidad aki. Pa mi, Aruba ta mas cu un destinacion; e ta un luga cu ta brinda un sensacion unico di bolbe cas. Mi ta contento di por traha hunto cu e ekipo y nos partnernan den Europa y pa sigui forma relacionnan fuerte y un posicionamento cu ta refleha e calidad y balornan di nos isla," asina Carl Quant a expresa.

CEO di A.T.A., Ronella Croes, tambe a refleha riba e transicion aki: *"Tirso Tromp a representa Aruba na Europa cu pasion y dedicacion durante hopi año. Su entrega y amor pa e isla a laga un marca permanente, tanto den nos ekipo como bou di partnernan. Den su funcion nobo e lo sigui contribui di manera significativa. Cu Carl Quant nos ta continua riba un base solido. Su manera di traha enfoca riba e hende, su*



experiencia y su conexon cu Aruba ta duna mi hopi confianza pa cu e siguiente fase pa Europa, un region clave pa cu strategia di diversificacion pa Aruba."



INTERNATIONAL WOMAN'S DAY *symposium*

**SATURDAY, 7 MARCH 2026
10AM-2PM | SPACE 67 AT EDUCAMPUS**



**Clementia
Eugene**

**Intergenerational
Trauma**



**Sueli
Kelly-Quant**

**Understanding
Trauma**



**Geraldine
Lacle**

**Inner Safety
Activation**

Free entrance. Reserve your seat and be part of this meaningful experience.

☎ Magaly Maduro +297 561-9100

SALUD. BEYESA

+ Y Bienestar Personal +

E escudo invisibel:

Compronde y apoya bo sistema inmunologico

DEN e mundo moderno, hopi biaha nos ta tuma nos salud como algo sigur te ora e faya. Nos ta trata nos curpa manera mashinnan di rendimento halto, hibando nan na e limite cu oranan largo di trabou, cuminda procesa y poco sosiego. Toch, operando silenciosamente den background, tin un di e rednan biologico mas compleho cu a wordo concebi: **E sistema inmunologico humano**. E “escudo invisibel” aki no ta un solo organo, sino un colaboracion sofisticada di celula, tehidonan y proteina diseña pa distingui entre locual ta “*di nos mes*” y locual ta “*stranhero*.”

Un defensa di diferente capa

Pa compronde con pa apoya nos salud, nos mester compronde prome con nos defensanan ta funciona. E sistema inmunologico ta opera den dos modo primario: **Innato y adaptativo**.


- **Inmunidad innato:** Esaki ta bo prome liña di defensa. E ta inclui bareranan fisico manera bo cuero y membrana mucoso, como tambe celulanen specialisa cu ta ataca cualkier invasor stranhero mesora.
- **Inmunidad adaptativo:** Esaki ta e parti “*inteligente*” di e sistema. Una bes cu bo curpa topa cu un patogeno specifico, e ta crea un memoria di dje. Si e mesun germen ey purba dreña atrobe, bo sistema adaptativo ta reconoce y ta lansa un contra-atake dirigi y hopi eficiente.

E pilarnan di apoyo inmunologico

Maske genetico ta hunga un rol, nos decisionnan diario ta e arkitectonan principal di nos forza inmunologico. Bo no ta “*boost*” un sistema inmunologico—un sistema demasiado activo por hiba na alergia of condicionnan autoimmune—sino mas bien, bo ta balansa y alimenta esaki.

1. Densidad nutricional

E tripa ta cas di casi 70% di e sistema inmunologico. Un dieta rico den berdura di tur color, fruta y cumindanan fermenta ta apoya un microbioma saludabel. Micronutrientenan clave manera Vitamina C, Vitamina D y Zink ta actua como factornan esencial pa e funcion di e celulanen inmunologico. En bes di busca un suplemento mesora, purba “*cuminda prome*”—manera citrus, berdura di blachi berde, nechi y simia.



2. E poder di un sueño restaurativo

Drumi no ta un “*tempo perdi*” pa e sistema inmunologico; e ta un “*tempo di trabou*.” Durante un sueño profundo, e curpa ta libera citokina, cual ta proteinanan cu ta yuda e sistema inmunologico reacciona contra menasanen. Falta di sueño cronico ta reduci e produccion di e proteinanan protector aki y ta disminui e efectividad di e anticurpanan cu ta bringa infeccion.

3. Maneho di stress


Stress moderno hopi biaha ta cronico en bes di agudo. Ora e curpa ta bou di un menasa constante, e ta produci cortisol. Maske cortisol ta util den momentonan cortico, nivelnan halto pa hopi tempo por reprimi e respuesta inmunologico, haciendo e curpa mas receptibel pa infeccion y slow down e proceso di curacion.

Un enfoque consciente riba bienestar

Salud berdadero ta un biahe proactivo, no uno reactivo. E ta wordo haya den e consistencia di habitonan chikito: **Keda hidratada, move bo curpa diariamente y mantene connexionnan social**. Mirando nos salud for di e perspectiva di apoya nos biologia interno en bes di djis bringa menasanen externo, nos ta duna nos mes e forza pa biba bida mas vibrante y resistente.

Skincare y e holoshi:

Cuanto tempo berdaderamente bo mester warda?



HOPI di nos tin un rutina di skincare cu nos ta sigui religiosamente tur mainta y anochi. Nos ta gasta placa den e miho serumnan y cremanan, pero un pregunta cu semper ta keda den aire ta: ***Nos mester warda entre cada capa, of nos por aplica tur cos tras di otro?***

Aunke den e mundo de bunitesa opinionnan ta varia, expertonan ta di acuerdo cu e tempo di espera por haci un diferencia den con eficiente un producto ta actua riba bo cutis.

E importancia di absorcion

E motibo principal pa incorpora un pauze chikito entre productonan ta pa evita locual den e mundo di beauty nos ta yama pilling—ora cu e productonan no ta absorba bon y ta cuminsa forma “*bolita*” riba bo cara. Dr. Kaywaan Khan, un experto den terapia di cuero, ta splica cu si bo no duna e cutis tempo pa absorbe un producto, bo ta core e riesgo di “*verdun*” e ingredientenan activo cu e siguiente capa.

Sinembargo, no tur paso mester di un espera largo. De echo, tin biaha spera demasiado por ta contra-productente.

E reglanan di oro pa cada producto

P’esnan cu kier maximisa nan rutina, aki tin e guianan basa riba conseho di dermatologonan:

• **Serum hidratante (manera hyaluronic acid):** Aki e regla ta “*mas lihe, mas miho.*” No spera pa bo cara seca completamente despues di laba bo cara. E serumnan aki ta funciona

miho riba un cutis un poco humedo. Aplica bo serum y spera djis algun seconde prome cu e siguiente paso.

• **Vitamina C:** E serum aki ta hopi delicado y e formula mester keda stabiel pa e haci su trabou di ilumina bo cara. Expertonan ta recomenda pa spera un pa dos minuut pa e penetra bon y evita cu e ta perde su forza ora bo pone bo crema di cara.

• **Retinol y acido (exfoliante):** Aki si bo mester tin pasenshi. Retinol ta un ingrediente hopi potente. Pa evita iritacion, ta consehabel pa spera entre 10 pa 20 minuut. Esaki ta duna bo cuero chens di stabilisa su pH prome cu bo aplica un hidratante.

• **Protector solar (SPF):** Esaki ta e paso mas critico. Despues di aplica bo SPF, spera por lo menos 15 minuut prome cu bo cuminsa cu bo makeup. Esaki ta permiti e protector crea un capa uniforme y resistente riba bo cuero.

Balansa ta clave

Si bo tin pura un mainta, no mester drenta panico. Manera e visagista Chelseé Lewis ta menciona, e hecho cu bo ta uza e productonan mes caba ta mas importante cu e tempo exacto di espera. **Un tip util:** Massage e producto bon den bo cutis pa yuda e absorcion bay mas lihe.

Na final di dia, bo cutis ta unico. Si bo nota cu bo productonan ta “pilling” of cu bo cara ta keda sinti hopi pisa, purba di extende bo tempo di espera un poco mas. Salud di bo cuero ta un inversion di tempo cu sigur ta bale la pena.

Con pa maneha ‘sintimento di culpa’ segun expertonan

CASI tur hende a yega di experiencia e sensacion ey den stoma: **E sentimento di culpa**. Sea ta pasobra bo a faya cu un training na gym, of pasobra bo a bisa algo cu por a ofende un persona stima, culpa ta un emocion cu por keda “morde” nos pa dianan largo. Pero kico culpa ta exactamente, y con nos por evita cu e ta bira un peso destructivo?

Kico ta culpa?

Segun psicologo Ben Kalkhoven, culpa ta presenta ora nos sinti cu nos a faya contra un norma personal of un balor cu nos ta considera importante. Diferente for di emocionnan basico manera miedo of alegria, culpa ta nace for di un combinacion di nos criansa, cultura y experencianan di bida.

Den nos sociedad, e capacidad di sinti culpa ta wordo mira como un señal di empatia y sano huicio. Si un persona nunca ta sinti su mes culpabel, esaki hopi biaha ta wordo asocia cu falta di consenshi. Pues, sinti culpa ta, den esencia, hopi humano.

Ora culpa ta util vs. destructivo

Culpa por tin un funcion constructivo. Si bo a haci algo robes, e sentimento aki ta pone bo refleha. Si esaki hiba bo na pidi despena of coregi bo accionnan, e culpa a cumpli su meta y mester desaparece.



Sinembargo, tin biaha e culpa ta keda “pega.” Esaki ta ora e ta bira destructivo. En bes di yuda nos drecha un situacion, e ta pone nos cuminsa pensa dimas (piekeren) y critica nos mes na un manera exagera. Esaki por hiba na stress, ansiedad, y hasta un actitud defensivo unda nos ta cuminsa culpa otronan pa nos mesun malestar.

Con pa maneha culpa na un manera sano

En bes di purba bringa e sentimento di culpa—locual hopi biaha ta haci’e mas fuerte—expertonan ta recomenda un cambio di perspectiva:

- **Reconoce y acepta:** No nenga e sentimento. Admiti cu bo ta sinti bo culpabel sin husga bo mes di mas.
- **Enfoca riba responsabilidad:** En bes di keda pensa riba “con malo mi ta,” puntra bo mes: “Kico mi por haci awor?” Tuma responsabilidad pa bo accionnan ta hopi mas poderoso cu keda sinti bo mes culpabel.
- **Pordon propio:** Si bo a faya cu un meta personal, manera no a train pa un siman, perdona bo mes. Enfoca riba e cosnan positivo cu bo a haci den e siman ey y planea con bo ta bay sigui structuralmente.
- **Cambia e “mester”:** Hopi culpa ta bini di reglanan cu nos ta pone pa nos mes cu palabranan manera “mi mester.” Purba cambia esaki pa “mi lo kier.” Esaki ta duna bo mas espacio pa faya sin sinti cu bo a kibra un ley fundamental.

Salud mental y bienestar ta depende grandemente di con nos ta papia cu nos mes. Culpa mester ta un bishitante cu ta bin duna nos un aviso, no un ‘inkilino’ cu ta keda biba den nos cabes. Door di enfoca riba accion y responsabilidad en bes di castigo propio, nos por biba un bida mas liber y balansa.

FUNDACION
e Poder
den Mi

MENSAHE DI DIA

Diahuebs, 5 maart, 2026

**ABUNDANCIA TA EXPANDE
NA MI ALREDEDOR**

**Mi ta un iman
pa abundancia
den tur forma.**

@fundacionepoderdenmi

**+297 730 1486**SABANA BLANCO 40
ORANJESTAD, ARUBA

Beauty Bar

P.M.U &
LASH ARTIST

By JEN

Specialised in

Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner

 Beauty Bar by Jen

 beautybar_byjen

Di vacacion pa evacuacion:

E impacto humano di escalacion

LOKE a cuminsa como un tension geopolitico mas, rapidamente a transforma den un crisis di biahe pa civilnan. Segun tensionnan entre Iran, Israel y Estados Unidos a intensifica, e consecuencianan a bay mas aleu di informenan militar y declaracionnan diplomatico.

Nan a yega terminalnan di aeropuerto, decknan di crucero, lobby di hotel—y den bida di miles di hende cu diripiente no sa con, of ki ora, nan por bandona e region.

Den henter e region di Golfo, restriccionnan di espacio aereo a provoca cancelacionnan masivo. Den centronan di transito principal manera Dubai, Abu Dhabi y Doha, e borchinan di salida a bira murayanan di texto cora. Vuelonan cancela. Rutanan suspendi. Biaheronan a wordo manda otro caminda of simplemente a wordo bisa pa spera.

Pa turistanan, loke mester tabata un estadia corto a stretch den incertidumbre. Pa expatnan, specialmente esnan di Europa, Australia y Asia, e preocupacion ta mas profundo. Hopi ta den contacto cu embahada, registrando pa update di evacuacion y explorando salidanan via tera pa paisnan bisiña. Gobiernonan manera Reino Uni y Australia a activa unidadnan di respueta pa crisis, avisando nan ciudadanonan pa monitor alerta di seguridad y prepara pa potencial salidanan asisti.

Toch, e logistica di evacuacion den un ambiente di seguridad instabil ta compleho. Mester negocia rutan sigur, mester habri espacio aereo y calculonan militar ta intersecta cu necesidadnan di civilnan.

E situacion maritimo ta mesun precario. E Strait di Hormuz, un arteria critico



pa shipping global, a bira un punto di preocupacion central. Riesgonan halto di seguridad efectivamente a para salidanan di crucero for di varios haf den Golfo.

Un di e barconan atrapa den e incertidumbre aki ta e MSC Euribia, actualmente mara na Dubai. Miles di pasahero ta keda abordo mientras e companianan di crucero ta evalua condicionnan di seguridad y ta spera guia di autoridadnan regional. Disrupcionnan similar a afecta otro barconan den e area, birando itinerarionan planea den retrasonan indefini.

Pa pasaheronan, e impacto psicológico por ta mesun preocupante cu e reto logistico. Noticianan ta reemplasa plannan di vacacion, famianan abou ta pidi update y polisanan di seguro di biahe ta wordo analisa liña pa liña.

E pregunta awor ta si esaki ta nifica

un exodo mas amplio. Den algun aspecto, si. Ciudadanonan stranhero ta buscando rutan di salida activamente y empleadonan di companianan grandi ta evaluando relocacionnan temporario. Pero e movcion no ta igual pa tur hende; hopi residente no por simplemente bay debi na limitacion financiero, compromisonan di trabou y restriccionnan di frontera.

Loke ta pasando no ta un huida masivo dramático, sino un limitacion gradual di opcionnan—un realizacion cu movilidad, cu un tempo nos a tuma como algo sigur, por evapora lihe.

P'awo, miles di hende ta keda den “limbo”—suspende entre confrontacion geopolitico y e speranza cu e siguiente update lo trece claridad. Den un region custumbra cu importancia strategico, ta e biaheronan ordinario awor ta sinti e peso directo di incertidumbre.

Francia ta señala cambio nuclear:

Macron ta habri porta pa desplega na aliadonan

FRANCIA ta preparando pa recalibra su postura nuclear den un movecion cu por cambia e structura di siguridad di Europa. Presidente Emmanuel Macron a anuncia cu Paris por permiti despliegue temporario di avionnan di guerra cu arma nuclear na nacionnan aliado, mientras el a confirma tambe plannan pa aumenta e cantidad di cabesnan nuclear di Francia for di su nivel actual di menos di 300.

E anuncio aki ta un di e señalnan mas cla den añanan recien cu Francia ta dispuesto pa proyecta su deterente nuclear independiente mas visiblemente riba teritorio aliado.

Pa decadanan, e doctrina nuclear Frances tabata basa riba autonomia strategico. Contrario na Estados Unidos, cu tin un arreglo di comparti arma nuclear cu NATO, Francia semper a mantene control nacional exclusivo riba su arsenal. Su deterente — conoci como e “force de frappe” — ta diseña pa opera independientemente, garantizando cu Paris so tin e autoridad pa tuma decision.

E doctrina ey no ta cambiando. Si Francia desplega avionnan nuclear na paisnan aliado, casi sigur nan lo keda bou di mando operacional Frances. Pero e simbolismo di e posicionamento aki lo ta significativo.

E capacidad nuclear di Francia via aire ta wordo carga pa e jetnan Rafale, arma cu e misil di crucero nuclear ASMP-A. Un despliegue temporario lo corta e tempo di respuesta, fortalece e señal di detencion, y demostra un compromiso tangibel cu siguridad Europeo den un tempo di tension geopolitico halto.

E anuncio ta bin memey di instabilidad continuo na e frontera oost di Europa y un debate renoba riba structuranan di detencion a largo plaso. Cu e guerra na Ucrania cambiando e calculonan di defensa, capitalnan Europeo a cuminsa re-evalua nan suposicionnan strategico.

Diferente for di Washington, cu pa hopi tempo a staciona bomnan nuclear B61 na paisnan manera Alemania, Belgica, Italia, Hulanda y Turkia, Francia nunca a participa den comparti arma nuclear. Cualquier movecion pa un despliegue lo representa un evolucion distinto—no pa integracion, sino pa proteccion.

E promesa adicional di Macron pa expande e arsenal nuclear ta reforsa e señal ey. Maske e cantidad di arma di Francia ta keda mas chikito cu esun di Merca of Rusia, e aumento ta indica un boluntad pa adapta na un mundo mas volatil.



Esnan cu ta apoya esaki ta bisa cu un deterente Frances mas fuerte ta duna Europa mas credibilidad strategico. Segun Union Europeo ta debati riba autonomia di defensa, e echo cu Francia kier carga mas responsabilidad por rebalansa e percepcion di con e carga ta wordo comparti.

Criticonan, di otro banda, ta spierta cu e desplieguenan aki ta trece riesgo di escalacion. Algun pais aliado cu hospeda e avionnan aki por bira un target simbolico of strategico den scenarionan di crisis.

Na final, e decision aki ta refleha un transformacion mas amplio den e pensamiento di defensa Europeo. Ambigüedad strategico a duna luga na señalamiento strategico. Paris parece determina pa demostra cu su deterente no tin solamente un caracter nacional, sino tambe un consecuencia Europeo.

DESTINY SECURITY

WE'RE HIRING

SECURITY GUARD

SEND US YOUR CV by whatsapp

REQUIREMENT :

- FLEXIBILITY**
AVAILABILITY TO WORK ALL SHIFTS
- FACULTY**
PUNCTUAL AND RESPONSIBLE
- EXCELLENT COMMUNICATION SKILLS**
STRONG ENGLISH AND PAPIAMENTU.

We are a company dedicated to security and prevention services, offering competitive salaries and opportunities for advancement.

Do not hesitate to contact us.

5947937

Un bet di miyones:

ABN AMRO ta expande cu compra di NIBC

E gigante bancario Hulandes ABN AMRO oficialmente a ricibi aprobacion regulatorio pa adkiri NIBC Bank, marcando e traspaso bancario mas grandi na Hulanda den añanan. E transaccion, balora na casi €1 biyon, ta señala un movimiento significativo di consolidacion den e sector financiero Hulandes.

E deal aki ta representa un expansion strategico pa ABN AMRO, un di e institucionnan financiero mas grandi di e pais. Door di absorbe NIBC, un prestamista specialisa conoci pa su enfoke riba hipoteca y finansa pa companianan mediano, ABN AMRO tin como meta pa fortalece su posicion den mercado y amplia su cartera di cliente.

Aprobacion di e reguladornan tabata e ultimo obstaculo mayor. Adkisionnan bancario na Europa ta enfrenta supervision estricto pa garantiza estabilidad financiero, proteccion di consumidor y balansa competitivo. Cu e aprobacion den man, e caminda ta habri awor pa planificacion di integracion y aliniacion operacional entre e dos institucionnan.

NIBC a traha un reputacion como un actor den nichenan specifico, particularmente den prestamo di hipoteca residencial y finansa structura. Su modelo di negoshi enfoca ta complementa e operacionnan mas amplio di banco comercial y retail di ABN AMRO.

Analistanan ta sugeri cu e adkision por permiti ABN AMRO profundisa su presencia den segmentonan di hipoteca lucrativo, mientras e ta mehora su ofrecedonan pa companianan chikito y mediano (MKB).

E prijs di casi €1 biyon ta subraya e escala di e transaccion den un mercado cu a mira relativamente poco fusion bancario grandi den añanan recién. Desde e crisis financiero global, reguladornan Europeo a fomenta estabilidad y crecimiento cauteloso, limitando consolidacion agresivo. P'esey, e deal aki ta resalta como un movimiento riba escala grandi cu no ta comun den un sector cu hopi biaha ta wordo caracteriza pa ahustenan chikito en bes di adkisionnan transformativo.

Pa ABN AMRO, e traspaso aki ta bin na un momento cu banconan Europeo ta nabegando multiple presion: rekisitonan di capital mas estricto, demandanan di transformacion digital, competencia creciente di firmanan “fintech”, y cambionan den e ambiente di interes. Expandiendo pa medio di adkision por ofrece economia di escala, eficiencia den costo y un bentaha competitivo mas fuerte.



Ta spera cu sinergia di costo lo hunga un rol den e proceso di integracion. Funcionnan di “back-office”, plataformanan tecnologico y servicionan di apoyo cu ta cuadra cu otro por wordo simplifica pa mehora eficiencia. Sinembargo, e esfuersonan di restructuracion aki hopi biaha ta lanta preocupacion tocante reduccion di cupo di trabou y interrupcion operacional. ABN AMRO a indica cu e integracion lo wordo maneha cu cuido pa minimisa e impacto riba cliente y personal.

For di un perspectiva mas amplio di mercado, e adkision por señala un confiansa renoba den e panorama bancario Hulandes. Despues di añanan di reparacion cauteloso di balans despues di e crisis di 2008, banconan ta buscando atrobe oportunidadnan di crecimiento strategico. Consolidacion por fortalece resiliencia door di crea institucionnan mas grandi cu fluho di entrada diversifica.

E deal aki tin tambe un peso simbolico. ABN AMRO mes a pasa den un restructuracion significativa y involucracion di estado durante e crisis financiero. E adkision di awe ta resalta con leu e institucion a progresa desde e periodo turbulento ey.

Cu e aprobacion regulatorio segura, atencion awor ta cambia pa e ehecucion. E cronograma di integracion, armonisacion di sistema y aliniacion cultural entre e dos banconan lo determina si e adkision ta logra e beneficianan strategico planea.

Den un sector defini pa estabilidad y prudencia, un transaccion di casi €1 biyon ta manda un mensahe cla: **Banco Hulandes ta drentando un fase nobo di consolidacion y posicionamento competitivo.**

Bashi di poder:

Ken por lidera Iran despues di Khamenei?



E morto di Ali Khamenei lo marca un di e puntonan di buelta mas consecuencial na Iran desde e Revolucion Islamico di 1979. Pa mas di tres decada, e Lider Supremo a para na e timon di e structura politico, religioso y militar di Iran. Su salida — particularmente memey di un conflicto regional y tension economico — lo activa un bataya di sucesion intenso y cautelosamente maneha den un di e sistemanan politico mas compleho di mundo.

Formalmente, e autoridad pa scoge un Lider Supremo nobo ta den man di e Asamblea di Expertonan, un cuerpo di 88 clerigo Shiita. Constitucionalmente, e proceso ta parece simpel. Den realidad, sucesion na Iran ta depende riba consenso entre e elite clerical, institucionnan politico y — mas critico ainda — e aparato di seguridad. Stabilidad, y no experimentacion, ta e obhetivo principal di e regimen.

Den e prome dianan, un cuadro di liderazgo interino lo mantene continuidad. Presidente Masoud Pezeshkian, Hefe di Judicatura Gholam-Hossein Mohseni-Eje'i, y e clerigo Alireza Arafati ta representa diferente pilar di e estado: gobernacion ehecutivo, aplicacion legal y autoridad religioso. Maske niun di nan ta subi automaticamente pa e puesto supremo, nan rol durante e transicion lo determina e ambiente den cual un sucesor lo surgi.

Entre e personanan mas menciona como potencial sucesor ta Mojtaba Khamenei, yiu di e lider actual. Maske e nunca a ocupa un puesto eligi, ta wordo cree cu Mojtaba tin lasonan fuerte cu clerigo conservado y elementonan di e aparato di seguridad. Su candidatura lo simbolisa continuidad.

Sinembargo, un transicion hereditario por provoca resistencia den e elite cu ta rechasa e idea di un “dinastia” den un republica funda riba ideologia revolucionario. Tambe, su posicion religioso por complica su apoyo den e rango clerical.

Otro figura prominente ta Hassan Khomeini, nieto di e fundado di e revolucion, Ruhollah Khomeini. Su famia tin un peso simbolico enorme. Hopi biaha Hassan Khomeini ta wordo asocia cu un tono mas modera y un habrimento pa reformanan limita. Den un periodo marca pa dificultad economico y frustracion publico, su perfil por atrae faccionnan cu ta busca un recalibracion sin desbalansa e sistema. Pero, e moderacion aki por enfrenta resistencia di e “hardliners” cu ta priorisa rigides ideologico.

NoporanalisisucesionsinconsideraeCuerpodGuardiannan di Revolucion Islamico (IRGC). Durante decadanan, IRGC a bira un forza dominante den e bida politico y economico di Iran. Nan preferencia lo influencia e resultado final grandemente. Maske e constitucion ta pidi pa e Lider Supremo ta un experto religioso, e realidad di poder no por ignora e peso di e aparato di seguridad.

Finalmente, e transicion di liderazgo na Iran lo refleha un balansa entre legitimidad ideologico y e sobrevivencia di e regimen. Sea e siguiente lider bin for di lasonan familiar, ancianidad clerical of consenso cu apoyo di seguridad, e decision lo manda un señal di con e Republica Islamico kier nabega e panorama regional bolatil y e presionnan interno den e añanan binidero.

DEPORTE



DEPORTE@AWEMAINTA.COM

Data vs. Huicio:

Pakico hungadonan ta ganando e bataya di e “strike zone”

DEN Major League Baseball (MLB), e strike zone semper tabata un tereno sagrado—un espacio defini pa e reglanan di geometria, pero aplica pa e huicio humano.

E temporada aki, sinembargo, algo diferente ta pasando. Hungadonan no solamente ta discuti e yamadanan di strike, nan ta cuestionando nan—y cada bes mas, nan ta ganando.

E cambio aki ta sutil pero significativo.

Cu e sistema di Statcast siguiendo cada pitcheo te na e milimeter, cada bala y strike ta wordo ‘mapped’ instantaneamente contra un zona calibra segun e posicion di e batido. Esaki ta nifica cu ora un hungado pidi un challenge of un pitcher discuti un yamada riba e liña, e combersacion no ta emocional mas. E ta empirico.

Y e prome resultadonan ta papia pa nan mes.

Den e weganan unda e sistema di challenge a wordo uza como referencia informal, e rate di reversal riba yamadanan di strike discuti ta asina halto cu el a lanta hopi atencion. Ora hungadonan “challenge” strikenan cu ta parce abou of sliders na e rand di e plato, e datonan digital hopi biaha ta confirma loke nan a sospecha den tempo real: **E picheo tabata afo.**

Esaki ta cambiando comportamiento.

Batidonan veterano, cu antes tabatin temor di falta respet cu un umpire, awor ta sali for di e batter’s box cu confiansa despues di un yamada robes. Pitchernan ta mira den direccion di e dugout sperando confirmacion via e tabletnan di replay. Catchernan, cu tradicionalmente ta maestronan di “framing” (haci un bola parce strike), ta mira con nan trabou sutil cu e handschoen ta wordo bari pa e exactitud digital.



Tres metrico ta impulsando e responsabilidad nobo aki:

- **Exactitud di strike yama:** Tradicionalmente e promedio di liga ta den e rango di 90%. Pero ora weganan individual baha na 80% y hungadonan gana varios challenge den un solo serie, e atencion ta intensifica.

- **Score di consistencia:** Hungadonan ta tolera un zona ora e ta consistente. Loke nan no ta acepta ta ora e no ta predicibel. Si un picheo un tiki afo ta strike den di dos inning pero bola den di shete, e confiansa ta kibra.

- **Impacto den careda:** Sistemanan moderno ta calcula cuanto un yamada robes ta altera e caredanan spera. Un picheo di 3-2 cu wordo cambia no ta djis algo cosmetico; e por cambia e probabilidad di gana un wega cu dos digit.

E dinamica psicologico tambe ta cambiando.

Pa decadanan, umpirenan tabatin autoridad unilateral. Awe, hungadonan sa cu nan tin apoyo tecnologico. E momento cu un picheo discuti sali riba e pantayanan di e stadion cu e grafico di e strike zone, e reaccion di e publico ta sigui e dato—no e señal di e umpire.

Esaki ta crea un tension nobo den e deporte. Umpirenan ta humano, y precision na 95 mph ta extremadamente dificil. Pero ora hungadonan repetidamente pidi challenge y tin exito, e ta lanta un pregunta mas grandi: **Si e tecnologia por haci’e bon, pa cuanto tempo mas e margen di eror humano por keda asina hancho?**

E sistema di Automated Ball-Strike (ABS) ta pendiente tras di cada discusion. Purba extensamente den e minornan, e ta ofrece un cumplimento casi perfecto di e zona. MLB ta keda den transicion—buscando un balansa entre tradicion y precision.



FIA ta evalua siguridad segun conflicto ta interrompi inicio di temporada

E organo cu ta goberna motorsport mundial, Fédération Internationale de l'Automobile (FIA), a confirma cu nan lo pone “*siguridad y bienestar*” den centro di nan proceso di tuma decision awor cu tensionnan regional ta menasa e prome weekendnan di carera den Medio Oriente.

Cu e calendario di Formula 1 programa pa traslada pa e region di Golfo den luna di april pa e Grand Prix di Bahrain y e Grand Prix di Saudi Arabia, oficialnan a reconoce cu e instabilidad den e region por afecta e operacionnan di e eventonan. E situacion aki no ta limita na F1 so, ya cu e apertura di e temporada di World Endurance Championship (WEC) na Qatar tambe ta planea pa mas despues den e luna aki.

Den un declaracion oficial, FIA a bisa cu nan ta manteniendo contacto estrecho cu e ekiponan, organisadonan local y autoridadnan internacional. E organizacion a enfatisa cu cada decision lo wordo guia pa un prioridad cla: **Proteccion di coredo-, personal di ekipo-, oficial- y fanaticonan.**

Presidente di FIA, Mohammed Ben Sulayem, a expresa su tristesa pa e perdidanan di bida recien den e region, indicando cu e federacion ta solidario cu e famianan y comunidadnan afecta. El a pidi pa calma y estabilidad, subrayando cu unidad den e comunidad global di motorsport “*ta importa awor mas cu nunca.*”

Maske no a anuncia cancelacion of posponemento ainda, e tono di e comunicacion ta refleha un cautela haltu. Logistica di motorsport ta compleho bou di circunstancianan normal; den un ambiente geopolitico bolatil, esaki ta bira ainda mas delicado. Restriccionnan di espacio aereo, avisonan di siguridad y disrupcionnan di biahe por afecta e shipment di carga, movecion di personal y asistencia di e publico.

A pesar di e preocupacionnan aki, e paddock di F1 actualmente ta enfoca riba e Grand Prix di Australia na Melbourne, e prome carera di e temporada. Ekiponan y staff ta biaha memey di incertidumbre di biahe global. Sinembargo, aten-



cion ta shift pa mira si e careranan na Bahrain y Saudi Arabia por sigui manera planea.

E rondnan na Bahrain y Saudi Arabia a bira pilar importante riba e calendario di F1 den e ultimo añanan. Tur dos evento ta representa asociacionnan comercial y strategico significante pa Formula 1 y FIA. Cualquier alteracion na e eventonan aki lo tin implicacion deportivo, financiero y politico.

E apertura di WEC na Qatar ta agrega otro capa di complexidad. Careranan di resistencia (endurance) ta involucra un impacto logistico mas grandi, cu multipel clase di auto y hopi personal di apoyo. E echo cu FIA ta mara e decisionnan aki over tur e serienan ta indica un enfoke coordina en bes di evaluacionnan isola.

Pa awor, e mensahe ta un di vigilancia y no di panico. FIA no a sugeri cambionan inminente, pero a laga sa hopi cla cu e circunstancianan ta wordo evalua continuamente. Historia di motorsport ta inclui ehempel di eventonan cu a sigui bou di siguridad stret, como tambe casonan unda consideracionnan di siguridad a hiba na posponemento.

Finalmente, e posicion di e organo gubernamental ta directo: Competencia ta secundario na bienestar humano. Segun e desaroyonan regional ta unfolding, e prome simannan lo determina si e motornan lo ronca na Bahrain y Saudi Arabia—of si cautela lo vence e calendario.

Un legado di campeon:

€195,000 Recauda p'e siguiente generacion di schaatsmento Hulandes

DEN un pais unda schaats riba ijs ta parti di e identidad nacional, Jutta Leerdam a bolbe demostra cu su impacto ta bay hopi mas leu cu e pista di ijs.

E trahe di careda firma pa e campeon Olimpico Hulandes di 1000 meter pa e Weganan Olimpico di Invierno Milano Cortina 2026, a wordo bendi pa e suma asombroso di €195,000 despues di un subasta intenso. E gran mayoria di e fondonan aki lo wordo dirigi pa apoya e deporte di schaats pa hoben na Hulanda.

Loke a cuminsa como un gesto simbolico a evoluciona rapidamente den un bataya di oferta entre coleccionista y fanaticonan. E trahe color oranje y blauw scur—traha na midi, aerodinamico y firma personalmente—ta representa mas cu simplemente tela di alto rendimiento. E ta simbolisa un biahe cu a cuminsa riba pistanan local modesto y cu a culmina riba e escenario Olimpico.

Pa Leerdam, e decision pa subasta e trahe tabata algo hopi personal. Un parti significante di e fondonan lo beneficia su club di schaats di infancia, e ambiente fundamental unda su talento a cuminsa forma. Esaki ta un momento unda e ciclo ta cera: e campeon ta reinverti den e mesun sistema cu a nutri su prome ambicionnan.

Den e cultura deportivo Hulandes, schaatsmento ta mas cu un competencia; e ta un tradicion. Hulanda consistentemente ta domina podionan internacional, y den eventonan manera



Weganan Olimpico di Invierno, e conteo di medaya nacional hopi biaha ta refleha e forza ey den schaatsmento.

Leerdam mes a bira un di e caranan mas conoci di e era aki. Conoci pa su velocidad explosivo den 1000m, e ta combina excelencia atletico cu visibilidad global. Toch, e subasta aki ta subraya un otro dimension di deporte di elite: e responsabilidad pa mantene e “pipeline” cu ta sostene e deporte.

Programanan di schaatsmento pa hoben ta enfrenta costonan operacional cu ta subiendo—huur di pista di ijs, entrenado, biahe y ekipo a bira hopi mas caro den e ultimo añanan. Maske Hulanda tin un infraestructura deportivo fuerte, clubnan local ainda ta depende hopi riba recaudacion di fondo y apoyo di comunidad pa sobrevivi.

Un inyeccion di €195,000 por financia añanan di desaroyo: subsidia miembronan, mehora materialnan di training y expande apoyo di entrenamiento. Esaki por nifica mas tempo riba ijs pa schaatsdonan hoben cu lo por tin dificultad pa paga pa esaki.

E balor emocional di e trahe tambe a aumenta su balor. Esaki no ta simplemente un recuerdo di un victoria bieu; ta un ekipo prepara na e escenario mas grandi di mundo den deporte di invierno.

E coleccionistanan no tabata djis cumpra tela—nan tabata adkiri un piesa di historia Olimpico bibo mara na e orguyo deportivo di Hulanda.

E subasta ta sirbi como un recordatorio di con atletanan di elite por forma ecosistemanan, no solamente titularnan di noticia. Gloria Olimpico hopi biaha ta enfoca riba medaya y recordnan, pero su efecto ta wordo sinti den pistanan local unda muchanan di ocho aña ta mara nan prome schaats.

Division Damas
Open-Class



SEMI-FINAL SCHEDULE

	Day	Date	Time	Team 1	VS	Team 2	Ref
1	Diadomingo	22-Mar-26	5:30PM	ESTRELLA	VS	BUBALI	CDFB
	Diadomingo	22-Mar-26	8:00PM	BRITANNIA	VS	RCA	CDFB
2	Diadomingo	29-Mar-26	5:30PM	BUBALI	VS	BRITANNIA	CDFB
	Diadomingo	29-Mar-26	8:00PM	RCA	VS	ESTRELLA	CDFB
3	Diadomingo	19-Apr-26	5:30PM	ESTRELLA	VS	BRITANNIA	CDFB
	Diadomingo	19-Apr-26	8:00PM	RCA	VS	BUBALI	CDFB

FINAL SCHEDULE

1	TBA	TBA	8:00PM	GAN-1	VS	GAN-2	CDGT
---	-----	-----	--------	-------	----	-------	------

Copa Division Uno



ROUND-1 SCHEDULE

1	Diasabra	28-Mar-26	7:00PM	RCS	vs	CDRA	CDFB
	Diasabra	28-Mar-26	9:00PM	JTL/SPORTBOYS	vs	MASTER BOYS	CDFB
2	Diasabra	11-Apr-26	7:00PM	RCS	vs	MASTER BOYS	CDFB
	Diasabra	11-Apr-26	9:00PM	CDRA	vs	JTL/SPORTBOYS	CDFB
3	Diasabra	18-Apr-26	7:00PM	RCS	vs	JTL/SPORTBOYS	CDFB
	Diasabra	18-Apr-26	9:00PM	MASTER BOYS	vs	CDRA	CDFB

ROUND-2 SCHEDULE

1	Diasabra	25-Apr-26	7:00PM	CDRA	vs	RCS	CDFB
	Diasabra	25-Apr-26	9:00PM	MASTER BOYS	vs	JTL/SPORTBOYS	CDFB
2	Diasabra	2-May-26	7:00PM	MASTER BOYS	vs	RCS	CDFB
	Diasabra	2-May-26	9:00PM	JTL/SPORTBOYS	vs	CDRA	CDFB
3	Diasabra	16-May-26	7:00PM	JTL/SPORTBOYS	vs	RCS	CDFB
	Diasabra	16-May-26	9:00PM	CDRA	vs	MASTER BOYS	CDFB

Division Honor
Liga Oro

ROUND-1 SCHEDULE

1	Diadomingo	8-Mar-26	4:00PM	RCA	vs	BRITANNIA	CDGT
	Diadomingo	8-Mar-26	6:00PM	LA FAMA	vs	DAKOTA	CDGT
	Diadomingo	8-Mar-26	8:00PM	BUBALI	vs	SPORTING	CDGT
2	Diabierna	13-Mar-26	8:30PM	BRITANNIA	vs	SPORTING	CDGT
	Diasabra	14-Mar-26	6:30PM	RCA	vs	DAKOTA	CDGT
	Diasabra	14-Mar-26	8:30PM	LA FAMA	vs	BUBALI	CDGT
3	Diabierna	20-Mar-26	8:30PM	DAKOTA	vs	BUBALI	CDGT
	Diasabra	21-Mar-26	6:30PM	SPORTING	vs	RCA	CDGT
	Diasabra	21-Mar-26	8:30PM	BRITANNIA	vs	LA FAMA	CDGT
4	Diabierna	10-Apr-26	8:30PM	RCA	vs	LA FAMA	CDGT
	Diasabra	11-Apr-26	6:30PM	BUBALI	vs	BRITANNIA	CDGT
	Diasabra	11-Apr-26	8:30PM	SPORTING	vs	DAKOTA	CDGT
5	Diabierna	17-Apr-26	8:30PM	BUBALI	vs	RCA	CDGT
	Diasabra	18-Apr-26	6:30PM	SPORTING	vs	LA FAMA	CDGT
	Diasabra	18-Apr-26	8:30PM	DAKOTA	vs	BRITANNIA	CDGT

ROUND-2 SCHEDULE

1	Diabierna	24-Apr-26	8:30PM	DAKOTA	vs	LA FAMA	CDGT
	Diasabra	25-Apr-26	6:30PM	BRITANNIA	vs	RCA	CDGT
	Diasabra	25-Apr-26	8:30PM	SPORTING	vs	BUBALI	CDGT
2	Diabierna	1-May-26	8:30PM	DAKOTA	vs	RCA	CDGT
	Diasabra	2-May-26	6:30PM	SPORTING	vs	BRITANNIA	CDGT
	Diasabra	2-May-26	8:30PM	BUBALI	vs	LA FAMA	CDGT
3	Diabierna	8-May-26	8:30PM	SPORTING	vs	RCA	CDGT
	Diasabra	9-May-26	6:30PM	BUBALI	vs	DAKOTA	CDGT
	Diasabra	9-May-26	8:30PM	LA FAMA	vs	BRITANNIA	CDGT
4	Diabierna	15-May-26	8:30PM	LA FAMA	vs	RCA	CDGT
	Diasabra	16-May-26	6:30PM	BRITANNIA	vs	BUBALI	CDGT
	Diasabra	16-May-26	8:30PM	DAKOTA	vs	SPORTING	CDGT
5	Diabierna	22-May-26	8:30PM	BUBALI	vs	RCA	CDGT
	Diasabra	23-May-26	6:30PM	LA FAMA	vs	SPORTING	CDGT
	Diasabra	23-May-26	8:30PM	BRITANNIA	vs	DAKOTA	CDGT

Division Honor
Liga Plata

ROUND-1 POOL A SCHEDULE

1	Diadomingo	15-Mar-26	4:00PM	CARAVEL	vs	ATLANTICO DEPORTIVO	CDGT
	Dialuna	16-Mar-26	8:30PM	FCSN	vs	ESTUDIANTES	CDGT
	Diahuebs	19-Mar-26	8:30PM	REAL KOYARI	vs	NACIONAL	CDGT
2	Diadomingo	29-Mar-26	6:00PM	CARAVEL	vs	REAL KOYARI	CDGT
	Diadomingo	29-Mar-26	8:00PM	ESTUDIANTES	vs	NACIONAL	CDGT
	Diamars	31-Mar-26	8:30PM	ATLANTICO DEPORTIVO	vs	FCSN	CDGT
3	Diadomingo	12-Apr-26	4:00PM	FCSN	vs	NACIONAL	CDGT
	Dialuna	13-Apr-26	8:30PM	ATLANTICO DEPORTIVO	vs	REAL KOYARI	CDGT
	Diaranson	15-Apr-26	8:30PM	ESTUDIANTES	vs	CARAVEL	CDGT
4	Diadomingo	19-Apr-26	6:00PM	NACIONAL	vs	ATLANTICO DEPORTIVO	CDGT
	Diadomingo	19-Apr-26	8:00PM	REAL KOYARI	vs	ESTUDIANTES	CDGT
	Diamars	21-Apr-26	8:30PM	FCSN	vs	CARAVEL	CDGT
5	Diadomingo	26-Apr-26	4:00PM	REAL KOYARI	vs	FCSN	CDGT
	Dialuna	27-Apr-26	8:30PM	NACIONAL	vs	CARAVEL	CDGT
	Diaranson	29-Apr-26	8:30PM	ATLANTICO DEPORTIVO	vs	ESTUDIANTES	CDGT

ROUND-2 POOL A SCHEDULE

1	Diadomingo	3-May-26	6:00PM	NACIONAL	vs	REAL KOYARI	CDGT
	Diadomingo	3-May-26	8:00PM	ATLANTICO DEPORTIVO	vs	CARAVEL	CDGT
	Diamars	5-May-26	8:30PM	ESTUDIANTES	vs	FCSN	CDGT
2	Diadomingo	10-May-26	4:00PM	ATLANTICO DEPORTIVO	vs	FCSN	CDGT
	Dialuna	11-May-26	8:30PM	NACIONAL	vs	ESTUDIANTES	CDGT
	Diaranson	13-May-26	8:30PM	REAL KOYARI	vs	CARAVEL	CDGT
3	Diadomingo	17-May-26	6:00PM	NACIONAL	vs	FCSN	CDGT
	Diadomingo	17-May-26	8:00PM	REAL KOYARI	vs	ATLANTICO DEPORTIVO	CDGT
	Diamars	19-May-26	8:30PM	CARAVEL	vs	ESTUDIANTES	CDGT
4	Diadomingo	24-May-26	4:00PM	FCSN	vs	CARAVEL	CDGT
	Dialuna	25-May-26	8:30PM	ESTUDIANTES	vs	REAL KOYARI	CDGT
	Diaranson	27-May-26	8:30PM	ATLANTICO DEPORTIVO	vs	NACIONAL	CDGT
5	Diadomingo	31-May-26	6:00PM	ESTUDIANTES	vs	ATLANTICO DEPORTIVO	CDGT
	Diadomingo	31-May-26	8:00PM	CARAVEL	vs	NACIONAL	CDGT
	Diamars	2-Jun-26	8:30PM	FCSN	vs	REAL KOYARI	CDGT

Division Honor
Liga Plata

ROUND-1 POOL B SCHEDULE

1	Diadomingo	15-Mar-26	6:00PM	RIVER PLATE	vs	CAIQUETIO	CDGT
	Diadomingo	15-Mar-26	8:00PM	ESTRELLA	vs	UNISTARS	CDGT
	Diamars	17-Mar-26	8:30PM	BRAZIL JRS.	vs	JONG ARUBA	CDGT
2	Diadomingo	29-Mar-26	4:00PM	CAIQUETIO	vs	JONG ARUBA	CDGT
	Dialuna	30-Mar-26	8:30PM	UNISTARS	vs	RIVER PLATE	CDGT
	Diaranson	1-Apr-26	8:30PM	ESTRELLA	vs	BRAZIL JRS.	CDGT
3	Diadomingo	12-Apr-26	6:00PM	UNISTARS	vs	BRAZIL JRS.	CDGT
	Diadomingo	12-Apr-26	8:00PM	CAIQUETIO	vs	ESTRELLA	CDGT
	Diamars	14-Apr-26	8:30PM	RIVER PLATE	vs	JONG ARUBA	CDGT
4	Diadomingo	19-Apr-26	4:00PM	RIVER PLATE	vs	ESTRELLA	CDGT
	Dialuna	20-Apr-26	8:30PM	BRAZIL JRS.	vs	CAIQUETIO	CDGT
	Diaranson	22-Apr-26	8:30PM	JONG ARUBA	vs	UNISTARS	CDGT
5	Diadomingo	26-Apr-26	6:00PM	BRAZIL JRS.	vs	RIVER PLATE	CDGT
	Diadomingo	26-Apr-26	8:00PM	JONG ARUBA	vs	ESTRELLA	CDGT
	Diamars	28-Apr-26	8:30PM	UNISTARS	vs	CAIQUETIO	CDGT

ROUND-2 POOL B SCHEDULE

1	Diadomingo	3-May-26	4:00PM	UNISTARS	vs	ESTRELLA	CDGT
	Dialuna	4-May-26	8:30PM	JONG ARUBA	vs	BRAZIL JRS.	CDGT
	Diaranson	6-May-26	8:30PM	CAIQUETIO	vs	RIVER PLATE	CDGT
2	Diadomingo	10-May-26	6:00PM	UNISTARS	vs	RIVER PLATE	CDGT
	Diadomingo	10-May-26	8:00PM	JONG ARUBA	vs	CAIQUETIO	CDGT
	Diamars	12-May-26	8:30PM	BRAZIL JRS.	vs	ESTRELLA	CDGT
3	Diadomingo	17-May-26	4:00PM	JONG ARUBA	vs	RIVER PLATE	CDGT
	Dialuna	18-May-26	8:30PM	BRAZIL JRS.	vs	UNISTARS	CDGT
	Diaranson	20-May-26	8:30PM	ESTRELLA	vs	CAIQUETIO	CDGT
4	Diadomingo	24-May-26	6:00PM	ESTRELLA	vs	RIVER PLATE	CDGT
	Diadomingo	24-May-26	8:00PM	CAIQUETIO	vs	BRAZIL JRS.	CDGT
	Diamars	26-May-26	8:30PM	UNISTARS	vs	JONG ARUBA	CDGT
5	Diadomingo	31-May-26	4:00PM	BRAZIL JRS.	vs	RIVER PLATE	CDGT
	Dialuna	1-Jun-26	8:30PM	ESTRELLA	vs	JONG ARUBA	CDGT
	Diaranson	3-Jun-26	8:30PM	CAIQUETIO	vs	UNISTARS	CDGT



E zonido corecto por converti bo soño den un herment pa soluciona problema

UN estudio recién a revela cu zonidonan específico durante soñonan lucido por yuda personanan soluciona puzzel complica cu nan no por a resolve durante día. E investigación aki ta habri porta nobo pa comprende con nos cerebro ta procesa información ora nos ta drumi y con nos por uza e tempo ey pa stimula creatividad y pensamiento crítico.

Investigado Karen Konkoly, un neurocientífico cognitivo di Universidad Northwestern na Illinois, a splica cu soñonan ta forma un parti esencial di nos bida interno. Hopi biaha nos no ta corda nan, pero nan t'ey presente. E estudio, publica día 5 di februari den e revista *Neuroscience of Consciousness*, ta demostra cu si nos manipula e soñonan aki bou di e condicionnan adecuado, nos por yuda e cerebro pensa riba problemanan den un forma completamente nobo.

Con e experimento a funciona?

E ekipo di Konkoly a recluta 20 voluntario cu tin e habilidad di tin soñonan lucido. Un soño lucido ta ora un persona ta consciente cu e ta soñando mientras e ta den e soño mes, locual tin biaha ta permiti e persona cambia e dirección di e soño.

Na principio, e participantenan a haya varios reto mental of puzzel pa soluciona. Algun tabata facil, pero otronan tabata hopi difícil. Cada reto tabata compaña pa un clip di música instrumental unico cu no tabatin nada di haber cu e tarea mes. Despues, e científiconan a conecta e voluntarionan na electrodenan pa vigila nan actividad cerebral y a manda nan bay drumi.

Pa 4'or di marduga, a lanta e participantenan brevemente pa curasha nan pa drenta den un estado di soño lucido ora nan bolbe drumi. Ora e voluntarionan a drenta den e fase di soño REM (movimiento rápido di wowo), e investigadonan a cuminsa toca e mesun zonidonan cu tabata asocia cu e retonan cu nan no a logra soluciona prome.

Reactivación di memoria den soño

E técnica aki yama "Targeted Memory Reactivation" (TMR). E idea ta cu un estímulo sensorial, manera un zonido suave



of un Holo particular, por actua como un recordatorio pa e cerebro cu ta drumi, activando e memoria completo di un situación of problema específico. Generalmente, TMR ta wordo studia den e fase di soño profundo, pero Konkoly kier a mira su efecto den e fase REM, cu ta e etapa mas asocia cu creatividad.

E resultadonan tabata hopi interesante:

- 75 por ciento di e voluntarionan a reporta cu nan a soña cu e puzzelnan cu nan no a por a soluciona.
- Esnan cu a tende e zonidonan y a soña cu e problema a logra soluciona e reto e siguiente mainta den 42 por ciento di e casonan.
- En comparación, esnan cu no a soña cu e problema (aunke nan a tende e zonido) a logra soluciona e reto solamente den 17 por ciento di e casonan.

Giulio Bernardi, un experto di IMT School for Advanced Studies na Italia, a comenta cu e estudio aki ta un di e prome pruebanan experimental cu ta confirma e conexión directo entre soño influencia y resolución di problema.

Balorando nos bida nocturno

Aunke e idea di "hack" nos soño pa ta mas productivo por zona atractivo, Konkoly ta enfatiza cu su meta no ta pa nos tur bira mashin di trabou durante anochi. E kier pa hende balora soño pa loke nan ta: **Un reflexion di nos experiencia y bida interno.** Sinembargo, e evidencia ta muestra cu si nos duna nos cerebro e impulso corecto, e por sigui traha riba loke nos a laga pendiente durante día.

Esaki ta un paso grandi pa e ciencia di soño, mustrando cu nos descanso no ta djis un break, sino un espacio pa innovación.

Fuente: Sciencenews.org




NOW PLAYING



Crime 101

A Los Angeles detective pursues an elusive thief who teams up with an insurance broker for one last heist.



Scream 7

When a new Ghostface killer emerges in the quiet town where Sidney has built a new life, her darkest fears are realized as her daughter becomes the next target. Determined to protect her family, she must face the horrors of her past to put an end to the bloodshed once and for all.



Goat

A small goat named Will gets a once-in-a-lifetime shot to join the pros and play roarball -- a high-intensity, full-contact sport that's dominated by the fastest, fiercest animals in the world. Ridiculed by his teammates, Will becomes determined to revolutionize the sport and prove that "small can ball!"




Solo Mio

A wedding disaster leaves a groom stranded in Rome, heartbroken in the world's happiest city. However, with help from a determined local and a few meddling couples, his ruined honeymoon becomes an adventure that he never expected.

For Showtimes and Online Ticketing: www.caribbeancinemas.com

SETAR ta aporta n'e Festival un Canto pa Aruba su Himno y Bandera 2026



SETAR ta orguyoso di continua cu su aporte y colaboracion cu Comision Promove Cultura y Fundacion Cultural di Festival Folklorico pa e Festival un Canto pa Aruba su Himno y Bandera, un tradicion cultural cu ta trece hunto talentonan hoben y adulto rond nos isla pa honra nos Himno y Bandera.

Diamars atardi a tuma luga e trekmento di lot di e secuencia na SETAR Conexion Center, marcando asina e comienso di e ultimo preparacionnan pa e categorianan di Infantil, Hubenil y Adulto.

Como Aruba su compania nacional di telecomunicacion, SETAR ta contribui tur aña na eventonan cultural cu ta celebra e identidad, union y creatividad di nos isla. E edicion di e aña aki ta uno special, ya cu Aruba ta celebra 40 aña di Status Aparte, 50 aña di Himno y Bandera y na mes momento 40 aña di SETAR.

SETAR ta desea tur participante, agrupacionnan musical y e comisionnan organisatorio hopi exito cu e preparacionnan. Y nos ta invita pueblo di Aruba completo pa bin disfruta y celebra hunto durante e Festival cu lo tuma luga diabierna y diahuebs awo na Carnival Village na San Nicolas.



Milly Schwengle a huramenta como Minister Plenipotenciario



DIARANSON merdia, na Cas Ceremonial di Gobernador di Aruba, Su Excelencia Gobernador di Aruba, Alfonso Boekhoudt, den presencia di Consejo di Minister di Gabinete AVP-Futuro, a tuma luga e huramentacion di mr. M.G.M. (Mildred) Schwengle como Minister Plenipotenciario pa Hulanda. Cu esaki, Aruba ta fortalece su representacion strategico den Reino y su presencia na Europa.

Mildred G.M. Schwengle LLM ta un experto legal cu amplio experiencia den derecho constitucional, derecho publico internacional, gobernacion (publico y priva), financiamiento y negociacion di alto nivel. Schwengle a studia Derecho Hulandes na Katholieke Universiteit Nijmegen (awor Radboud Universiteit Nijmegen) entre 1984 y 1989.

Su carera profesional a cuminsa den Ministerio Publico como plaatsvervangend Procureur Generaal (1990-1992) y despues como griffier na Gerecht di Prome Instancia di Aruba (1992-1994). Na 1994 Schwengle a bira abogado y desde 1996 te 2017 tabata partner na HBN Law, sirbiendo Aruba, Corsou, Boneiro, Sint Maarten y Saba.

Entre 2017 y 2023, Schwengle a ocupa e posicion prestigioso como miembro di Raad van State di Reino na Hulanda y a acesora Gobierno di Reino riba legislacion, decreto y tratadonan internacional, cu enfasis riba relacionnan den Reino.

Ademas di su experiencia institucional, Schwengle a actua varios biaha como abogado principal den proyectonan grandi



di financiamiento, privatisacion di fondo di pensioen y adquisicion internacional cu interesnan miyonario. Actualmente Schwengle ta dirigi negociacionnan den Reino riba finansa publico sostenibel y supervision financiero pa Gobierno di Aruba.

Cu un trayectoria caracteriza pa liderazgo, integridad y experticio huridico, Milly Schwengle tin un combinacion unico di experiencia di sector publico y priva. Gobierno di Aruba ta expresa su confiansa pleno cu Schwengle lo representa interesnan di Aruba cu dignidad, responsabilidad y vision strategico den Hulanda y den Reino.

Nombramento di Schwengle como Minister Plenipotenciario ta marca un paso firme den fortalecimiento di e posicion di Aruba den Reino, cu enfasis riba cooperacion, dialogo y defensa di interes nacional.

E porta blauw:

Comisario di polis uniforma sr. Silvio de Mey: Mi ta agradecido

CUERPO Policial Aruba den cuadro di nos 40 aniversario ta inicia cu un seccion informativo y educativo yama “*E porta blauw episodio: E bida di un Polis*”. Nos ta para keto un rato y conoce Sr. Silvio de Mey, comisario di polis uniforma.

Inicio di mi carera Policial: Tabata na aña 1983 mi ruman mayor cu a caba su estudio militar e tempo ey, el a encurasha ami pa aplica pa estudio di polis. Tabata di e forma aki inespera mi a tuma e reto, aplica na Warda di Polis bieu na Oranjestad. Asina aki mi carera como polis a cuminsa y awe 41 aña despues ainda mi ta stima mi trabou di sirbi mi Pais. No ta algo cu tabata planea simplemente el a “pop up” e momento ey.

Estudio Policial: Mi a cuminsa opleiding di polis riba 17 september 1984. Durante opleiding di polis mi a conoce e trabou di polis cu hopi disciplina y a traha mi caracter pa e persona cu mi ta awe. Algun materia a bay fastioso pa mi. Pero durante tempo mi a siña hopi cos y pocopoco mi a mehora. Tabata mas o menos 1 aña despues mi a termina mi estudio cu exito, asina mes cu e tempo ey e opleiding di polis tabata semi militar. Nan tabata hopi streng e tempo cu semper bo mester tabata prepara. Lesamento y sa bo materia tabata primordial e tempo ey!

Ken ta sr. De mey?: Durante añanan ma siña separa mi bida persona cu trabou. E no ta facil si! Pero bo tin cu haci’e vooral pa e funcion di polis. Den mi tempo liber mi ta dedica na core wak naturalesa. Mi tin mi Jeep pa asina core y admira naturalesa, wak e bahada di solo, bay lama sambuya un rato Tambe mi ta gusta wak hopi documentario asina mi ta tuma tempo pa mi mes. Mi tin contacto tambe cu ex-polisnan na unda nos ta sinta bebe te y combersa



un rato. Asina aki mi ta separa mi mes pa cu trabou y disfruta cada momento cu mi por cu ta hopi importante pa mi.

1986: Prome cu Cuerpo Policial Aruba a nace mi tabata forma parti di Cuerpo Policial Antias Hulandes. Despues cu nos a termina nos estudio nos tabata tin e escogencia of nos ta keda Aruba of nos ta bay Antias, esaki den porta cu Aruba ta bay haya su Status Aparte. Nos tabata mas o menos 200 polis so; incluyendo nos klas, a dicidi di keda Aruba y lanta Cuerpo Policial Aruba ariba 1 januari 1986. Algun polis di Antias a bin traha na Aruba pero mayoria di nos como polis Arubiano a keda Aruba. E no tabata facil na prome instante, nos tabata hopi hoben y a madura hopi trempan pa motibo di e cambio nobo aki. E ta un gevoel hopi bon pero cu reto pasobra nos tabata tin nos mesun altocomisario, nos propio identidad y imagen. Algo nobo pa Aruba y pa mi!

Estudio Policial:

• **1 januari 1986 (Status Aparte):** Sectie Surveillance Dienst Buitendistricten

(Santa Cruz/Noord/Strandpolitie

- **1991- 1992: Sectie Surveillance Oranjestad:** Agent eerste klasse;
- **1992-2001: Sectie Jeugd en Zeden Politie:** Brigadier/ brigadier eerste klasse;
- **2001-2009:** Bureau Interne Zaken en Onderzoek (BIZO): Hoofdagente/ hoofd-agent eerste klasse;
- **2009-2012:** cu rango di onderinspector/onderinspecteur eerste klasse y cu meestertitel di UvA, mi a cuminsa cu e studie di Nederlandse Politie Academie (Executive Master Tactical Policing major in leadership): Pero durante di estudio mi a carga e rango di Inspector den opleiding, tabata un estudio dual traha y studia cu a tuma luga entre Hulanda y Aruba, despues a finalisa cu esaki na 2012 mi por carga e titulo EMTP patras di mi nomber cu ta un titulo reconoci pa NVAO; despues mi a sigui traha den KPA como Inspector di polis);
- **2012-2015:** Coordinador di ploeg na Warda di Oranjestad (Inspector di Polis);
- **2015-2017:** District chef Oranjestad (Inspector/Inspector eerste klasse);
- **2017-2018:** District Chef Santa Cruz (Inspector eerste klasse);
- **2018-2023:** Hoofd Staf Korpschef (HSKC: Hoofd inspector of Chief of Staff);
- **2023- 2025:** Waarnemend Hoofd Algemene Politie Dienst (hoofd inspector/waarnemend Commissaris van Politie); Unit Narcotica ta resorta bao di mi persona te cu awo.
- **2025 - pa awe:** Hoofd Algemene Politie Dienst (Comisario di Polis uniforma)

Sirbiendo nos comunidad: Un victima no tin un voz y ami ta e voz pa nan. Esaki ta yena mi cu satisfaccion pasobra mi a traha riba casonan hopi grandi na favor di e victima. Mi ta traha pa mi



Pais y na unda cu mi por yuda mi ta yuda mesora! Esey ta e miho gevoel cu mi ta sinti haciendo e trabou aki.

Vision pa e funcion: Como comisario di Polis tin diferente reto pero un di nan ta, comunidad ta crece, hende su mentalidad ta cambia, nos ta haya hende di otro Pais tambe ta bin biba aki, generacion ta pensa otro cu esun di awo. Tin hopi diferencia y ta un reto pa ta un lider, pero esey no ta kita afo cu nos mester keda mantene nos Pais sigur! Pa nos preveni delitonan no wordo cometi localmente. Siguridad mester wordo garantiza tur dia y esey ta mi reto y lo percura esey tur dia.

Trabou di Polis: E trabou aki tin su retonan, peligro pero e ta bunita tambe. Nos t'ey, nos ta yuda un otro persona su problema of pa esun cu no tin voz. E ta un trabou hopi noble, mester probecha di e momentonan bon y bunita cu tin den Polis, pasobra problema ta bin di mes. Pero e cosnan bunita ta esun cu haci e trabou aki uno noble!

Trayectoria Policial: Mi a drenta polis cu 18 aña. Mi ta un di e polisnan cu a pasa den tur e rangonan for di aspirante cu awe comisario. Bo tin cu tene na e momentonan cu presenta, sigui bo metanan y bo ta logra! Probecha di tur e oportunidad cu e Cuerpo ta duna bo, pa asina bo sigui crece. Pone bo metanan, sigui padilanti y logra. Si, abo kier

traha un carera policial e ta posibel, djis pone bo pasion den bo trabou.

Mi ta yama danki: Danki na altocomisario Arnhem, Gobierno di Aruba pa kere den mi cu awe mi ta den e posicion aki di comisario. Mi ta sinti mi mes hopi pasiona pa haci e trabou aki y cu yen energia. E grupo grandi di hobennan polis ta esun cu ta duna mi energia pa asina sigui brinda e miho di mi.

E sosten di famia: Semper mi ta agradecido pa tur persona cu a sostene ami. Pero mas aun mi famia cu semper tabata t'ey pa ami. Nan ta esun cu ta soporta un tiki mas di mi ausencia of yega cas cu un poco beis. Nan ta esun cu t'ey pa ami. Mi ta hopi agradecido na mi yiunan cu semper tabata t'ey. Cada polis tin nan sosten y mi sosten ta mi yiunan. E ta bon y importante pa busca un refugio y bo famia ta e refugio. Semper busca un bon amigo of un bon colega. E ta yuda bo den bo carera policial!

E porta blauw, episodio: E bida di un polis, ta sigui cu mas seccion pa asina nos comunidad por biba un tiki mas di cerca di nos hendenan, e agente policial cu despues di pasa e porta blauw ey tambe ta un persona, un ciudadano di nos Pais. Un ciudadano policial cu un storia bunita pa conta nos comunidad.

Minister Geoffrey Wever:

Ta invita pueblo henter p'e mercado semanal di Santa Rosa, Maart 7

MINISTERIO di Finansa, Asunto Economico y Sector Primario, mr. Geoffrey Wever, ta invita pueblo di Aruba pa bishita e mercado di Santa Rosa cu lo tuma luga atrobe Diasabra awor, Maart 7.

E sector primario ta uno masha importante, y ta un sector di enfoke pa e ministerio di Minister Wever. Ta reuni frecuentemente cu varios stakeholder den e sector, y a wordo indica cu tin un deseo pa e Mercado di Santa Rosa tuma luga cu mas frecuencia. Mirando e importancia y impacto positivo di e sector primario y e popularidad di e Mercado di Santa Rosa, nos a tuma stapnan concreto pa wak esaki bira realidad.

Awor nos ta contento pa anuncia cu e Mercado di Santa Rosa lo tuma luga semanal, en bes di mensual. Pueblo por disfruta di cumpra varios producto fresco y local, aportando na e economia local di Aruba, y tambe na e cunukero y agricultornan di nos isla. E mercado aki lo tuma luga 3 siman na Santa Rosa y un siman na Plaza Lolita den e centro di San Nicolas como parti di e Pop-up Market.

Ta importante tambe pa comparti cu si bo persona kier participa cu bende producto local (fresco) na e mercado di Santa Rosa, registra na tempo ya cu espacio ta limita.

Por registra cerca Santa Rosa via e-mail na info@santarosa.aw of por pasa personalmente na e oficina di Santa Rosa cu ta situa na Piedraplat 114-A. Tambe por tuma contacto via telefon na 585-8102.

Minister mr. Geoffrey Wever ta felicita Santa Rosa pa e bon trabou cu nan ta eherciendo y pa e apoyo cu nan ta duna na e sector primario. Sector primario ta forma un parti di nos cultura di Aruba, y nos ta invita pueblo henter pa bishita e Mercado di Santa Rosa y forma parti di crea un impacto positivo den nos economia y nos comunidad.

Representante Permanente di Nacionnan Uni ta haci bishita di introduccion cerca Minister Dowers



SRA. Lise Gregoire-van Haaren, Representante Permanente (apunta) di Reino Hulandes na Nacionnan Uni na New York, a haci un bishita di introduccion na Minister di Husticia, Integracion, Transporte Publico y Energia, mr. drs. Arthur

Dowers.

Durante e bishita, a papia riba desaroyonan internacional actual, migracion, estabilidad regional y cooperacion internacional.

Sra. Gregoire-van Haaren tin un carera impresionante. Gregoire-van Haaren a traha na Ministerio di Asunto Exterior di Reino Hulandes y a ocupa diferente funcion diplomatica na Den Haag, Bruselas, Paris y New York. Tambe a sirbi como Embahador y como Representante Permanente suplente na ONU, entre otro durante miembresia den Consejo di Siguridad di ONU na 2018. Tambe Gregoire-van Haaren a ocupa e posicion di Director di Union Europeo y Director-General suplente di Cooperacion Europeo na Den Haag.


Su amplio experiencia den cooperacion Europeo, diplomacia multilateral y relacion internacional ta forma un base fuerte pa cooperacion continuo den Reino y na nivel di ONU.

E bishita aki ta enfatisa e importancia di coordinacion estrecho entre Aruba y e Representante Permanente na Nacionnan Uni, mirando interes comun y posicion internacional.

100% FREE SPAY & NEUTER

FOR ALL DOGS & CATS AT
PARTICIPATING VETS
REGISTER TODAY:

WWW.STIMAMISTERILISAMI.COM





Stimami. Sterilisami.

DRH ta di vital importancia pa efectividad y eficiencia di servicio publico

DIARANSON mainta, Minister di Husticia, Integracion, Transporte Publico y Energia, mr. drs. Arthur Dowers, a atende na e personeelsdag di Departamento di Recurso Humano (DRH).

E personeelsdag di DRH no ta solamente un momento di reunion, pero un oportunidad strategico unda e ekipo cu ta carga recurso humano di henter aparato gubernamental ta reuni pa evalua, analisa y actualisa tur data relaciona cu empleadonan publico. Ademá, e programa a inclui sesi-onnan dirigi riba fortalecimiento di conocimiento y capacidad profesional di cada empleado di DRH.

Minister Dowers cu tin e maneho di DRH bao su responsabilidad, a habri e personeelsdag y a expresa su aprecio pa e trabao importante cu e ekipo di DRH ta haci tur dia tras di cortina. E profesionalnan di DRH ta esencial pa garantiza cu cada departamento tin e personal adecuado, e estructura corecto y e guia necesario pa sirbi comunidad di Aruba na e nivel optimal.

Como departamento cu tin e responsabilidad di supervisa y guia tur otro departamento di gobierno den materia di recurso humano, DRH ta ocupa un posicion estructural den nos sistema gubernamental. Tin un bista cla y completo di e diferente aspectonan di e aparato publico, ta esencial pa por tuma decisionnan informa y guia mehoracion continuo di servicio publico.

Sin un DRH fuerte, profesional y bon organisa, no por tin servicio di gobierno eficaz y eficiente. Ta importante pa tin data corecto, analisis profundo, procesonan bon defini y planificacion strategico pa asina fortifica transparencia, responsabilidad y calidad den servicio na comunidad.

“DRH ta un departamento cu ta sostene tur departamento di gobierno y ta esencial cu bo mes tin bo huishouden na ordo. E diferente procesonan den DRH ta canando y tin intencionnan hopi serio pa mehora e calidad di servicio na comunidad”, Minister Dowers a indica.

Pa trece cambio positivo pa e funcionamiento di departamentonan gubernamental, DRH algun aña pasa a inicia cu Prestatiemanagement, Land Aruba Academy y algun luna atras a inicia cu Leiderschapstraining. Prestatiemanagement ta e sistema di evaluacion di funcionamiento di empleadonan publico. Cada seis luna ta haci evaluacion y ta duna guia pa



mehora nan funcionamiento y asina eleva e nivel di servicio na publico. Land Aruba Academy ta un portal digital di DRH cu ta contene cursonan gratis cu cada empleado publico tin acceso na dje y ta ofrece esaki na diferente nivel y riba diferente topico pa yuda expande conocimiento di empleadonan publico.

E bishita di Minister Dowers ta confirma su compromiso pa modernisa y fortifica e aparato gubernamental, poniendo enfoke riba efectividad y eficiencia, profesionalisacion y bon gobernacion. DRH ta y lo sigui ta un pilar central den e proceso di mehoracion continuo di nos servicio publico.

Bonaire

DORNA di sabana di salo

Puro y blanco

Drenta den e casita di esclavo sinti algo di pasado

Topa cu comper flamingo

Den su awa ta inspira

Den tur su elegancia ros

Sin tin pura

Topa cu shon burico para cant'i caminda ta warda riba e turista cu ta strooi su dilanti pida pida pan

Topa cu sr cabrito cu su ruman grandi y chikito

Wak algun pushi bou banki cement dilanti e cruz di Cristo ayera awe y semper

Bou pal'i watapana famia cocoyoco ta wak mi saca nan potret

Nos a pasa asina dushi asina pret

Tawata manera set pa set

E baile folklórico di un gran parti di Boneiro su fauna, yega hotel soda satisfecho cu gan'i tuma un sauna

Nos curason cu hopi gradicimento y tur inspira cu e tempo y atencion unico valioso di Magaly y Yuyu na nos duna

Danki Yuyu y Magaly

Boso tin un luga special den nos curason



Den nomber di Johan y Ruthy Lady Ruth masha masha dankiii!

Ruthy "Lady Ruth"

Amor y stimacion pa luna yen....



LUNA yen a crusa frontera

Luna yen un dushi anochi

Sin sa kico pa spera

Inspiracionnan den scochi

Nos amor y stimacion pa luna yen ta grandi y bunita

Nos ta comparti di nos talentonan di stima

Den nos expresionnan poetico y unico

Un ambiente di kita sombre fantastico

Dushi hendenan di tur skina di Boneiro ta topa otro bou di un shelo perfuma di gracia y bondad cu un anhelo den creatividad special

Amor den su totalidad ta wordo expresa y inhala

Nos amor y stimacion pa luna yen no por wordo iguala

Su raisnan profundo y fuerte, nos suerte

Danki lieve mensan pa permiti mi como e Poeta Lady Ruth di ruman isla Aruba, recita

Meymey di boso nan

Danki pa ta dushi prohimu ruman

Pabien na e comision organizado di un anochi asina sublime culmina di amor

Danki na boso tur pa boso presencia y participacion

Cu excelencia y bendicion

Dios semper ta bon

Nos ta sigui habri nos curason

Pa mas luz y mas cancion di palabranan poetico

Luna yen na Boneiro ta simplemente FANTASTICO

Ruthy 'Lady Ruth'

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :

- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-6991702

Turning **Ideas** into Breakthrough **Solutions**




Mayoria di habitante na Corsou ta preocupa p'e consecuencia di e crisis na Venezuela

UN mayoria grandi di e personanan cu a participa na un encuesta online recien di Centraal Bureau voor de Statistiek (CBS) na Corsou ta expresa preocupacion serio tocante e tensionnan geopolitico rond di Venezuela. Esaki a keda muestra den e prome resultadonan di e asina yama Venezuela Poll, cual ta un encuesta orientativo cu a wordo realisa entre e habitantenan di e isla pa midi nan percepcion.

Segun e datonan presenta pa CBS, casi 61 por ciento di e 684 personanan cu a responde a indica di ta algun te hopi preocupa p'e situacion actual na Venezuela y e posibel consecuencianan cu esaki por tin pa Corsou. Un grupo di mas of menos 18 por ciento a declara cu nan tin poco te nada di preocupacion, mientras cu un 20 un por ciento a keda neutral den nan opinion. E encuesta aki a wordo haci den e periodo di 16 di januari te cu 2 di februari di e aña aki. E enfoke principal tabata riba e manera con e habitantenan ta sigui y ta experencia e desaroyonan relaciona cu e eventonan di dia 3 di januari entre Venezuela y Merca.

CBS a enfatisa cu e resultadonan aki ta indicativo y no necesariamente representativo p'e poblacion completo di e isla. Sinembargo, e investigacion ta sirbi como un prome exploracion pa compronde e opinion publico y pa prepara p'e posibel consecuencianan regional cu por surgi. For di e resultadonan por deduci tambe cu e desaroyonan den e region ta wordo sigui hopi di cerca p'e participantenan. Mas di dos tercera parti di e personanan a bisa cu nan ta sigui e noticia cu hopi atencion. Un 24 por ciento ta mantene nan mes un poco na altura, mientras cu casi 8 por ciento a bisa cu nan no ta sigui e noticia casi nada of mester sa nada mes di e asunto.

Pa loke ta trata e fuentenan di informacion, e medionan internacional ta hunga un rol fundamental pa hopi di e personanan cu a contesta. Mas di 36 por ciento ta uza fuentenan di noticia internacional, sigui pa rednan social cu 24 por ciento y medionan local cu un poco mas di 20 por ciento. E websitenan oficial di gobierno ta wordo uza pa casi 12 por ciento, mientras cu mas di 7 por ciento ta haya nan infor-



macion via famia.

Un punto importante cu e encuesta a saca afo ta cu hopi participante no ta sinti nan mes suficientemente prepara p'e incertidumbre den e region. Menos di 20 por ciento a indica di ta sinti nan mes bon of hopi bon prepara. Un mayoria grandi di casi 72 por ciento ta sinti nan mes solamente un poco prepara of mester sa nada mes prepara. Casi 9 por ciento ta di opinion cu no tin mester di preparacion mes.

E poll aki ta e prome indicacion di con e habitantenan di Corsou ta mira e situacion geopolitico. CBS tin planea pa realisa un investigacion mas amplio despues den e aña aki pa haya un miho bista di e percepcion publico y e suministro di informacion rond di e tensionnan cu Venezuela. Esaki ta conecta cu e preocupacionnan mas general den e region, considerando cu e islanan ABC ta situa na un distancia masha cortico di Venezuela y cualkier desaroyo eyan por tin un influencia directo riba e economia, seguridad y migracion di e islanan. Na e momentonan aki, e vigilancia ta keda halto pa cualkier cambio den e relacionnan entre e paisnan bisiña y e potencianan mundial cu tin interes den e zona.

Fuente: Curacao.nu

Corsou ta hiba maneho structura pa garantisa siguridad alimentario riba e isla



DEN un paso decisivo pa reduci e dependencia riba importacion di cuminda, Gobierno di Corsou a aproba un structura nobo cu tin como meta principal pa garantisa siguridad alimentario den e proximo añanan. E decision aki, tuma pa Consejo di Minister, ta marca inicio di un cooperacion interministerial profundo pa frena e impacto di prijsnan halto y interrupcion den e cadena di suministro mundial cu sa afecta e poblacion local seriamente.

E fundeshi di e plan aki ta e creacion di un stuurgroep interministerial cu lo fungi como e wes'i lomba pa tur decision strategico relaciona cu produccion di cuminda, disponibilidad di producto y estabilidad di prijs. Corsou, mescos cu hopi otro isla den Caribe, ta importa un gran parti di loke e habitantenan ta consumi. Esaki ta haci e economia local vulnerabel pa cualkier crisis internacional, sea ta guerra, problema di transportacion maritimo of aumento den prijs di petroleo. Cu e structura nobo aki, Gobierno kier crea un escudo protector pa e consumidor.

Cuater ministerio clave lo uni forza den e proyecto aki: Ministerio di Desaroyo Economico, Ministerio di Salubridad Publico, Medio Ambiente y Naturalesa y Ministerio di Trafico, Transporte y Planificacion Urbano. Cada un di e departamentonan aki tin un rol fundamental. Mientras cu Desaroyo Economico ta focus riba e parti di mercado y comercio, e ministerio di Naturalesa lo mester guia e agricultor y criadonan di bestia pa aumenta produccion local. Di otro banda, e parti di planificacion urbano ta esencial pa determina cua ta e terenonan cu mester keda reserva exclusivamente pa agricultura.

Pa e trabou no keda solamente riba papel, a instala un grupo di proyecto special bou di e grupo di steering. E ekipo

ehecutivo aki ta bou di direccion di e Director di Servicionan di Negoshi di Desaroyo Economico. Nan tarea ta pa percura cu e decisionnan wordo converti den accionnan concreto y pa monitor si e medidanan ta dunando e resultado spera. Siguridad alimentario no ta trata solamente di planta mas maishi of cria mas baca; e ta un tema compleho cu ta mishi cu salud publico, economia social y e forma con nos ta uza nos tera.

E grupo di proyecto tin cinco encargo principal cu nan mester cumpli cu ne pronto. Prome, nan mester ehecuta e plan general di siguridad alimentario y duna consejo pa modernisa ley- y reglanan existente. Tambe nan mester bira e brug entre gobierno, sector priva y e sector di agricultura. Un punto hopi importante ta e modernisacion di e sector primario: mester implementa tecnologia nobo pa agricultura y cria di bestia por bira mas eficiente y duradero, specialmente considerando e cambionan den clima cu ta trece mas segura of awasero fuerte.

E iniciativa aki na Corsou ta cuadra cu e vision mas amplio den e parti Caribense di Reino. Hulanda caba a lanta un fondo special pa siguridad alimentario cu e obhetivo pa stimula produccion local riba e islanan y reduci e vulnerabilidad pa fluctuacion di prijs internacional.

Pa e ciudadano comun na Corsou, esaki mester traduci su mes den un miho seleccion di producto fresco local y prijsnan mas stabiel na supermercado. Ora Corsou por produci mas di su mes cuminda, e no mester importa tur cos mas for di exterior, locual ta e unico caminda pa un futuro mas sostenibel y sigur pa tur famia riba e isla.

Fuente: Curacao.nu

BONEIRO

MPB ta kibra negociacion cu UPB pa forma coalicion nobo na Boneiro

E partido Movimiento Patriotico Boneriano (MPB), bou liderazgo di Hennyson Thielman, a tuma e decision radical di stop tur combersacion y negociacion cu partido UPB pa loke ta e formacion di un gobierno nobo pa Boneiro.

Den un carta oficial manda pa e directiva di UPB, MPB a splica cu nan no tin ningun otro opcion mas sino retira nan mes for di e mesa di negociacion debi na e falta di transparencia y e actitud di UPB durante e ultimo dianan.

E motibo principal cu a pone un fin na e cooperacion aki ta e noticia cu UPB tabata hungando riba dos mapa. Segun MPB a wordo informa, mientras cu UPB tabata den negociacion cu nan, e partido tabata tene combersacionnan hopi avansa simultaneamente cu Partido Demokrat. Pa MPB, e tipo di tactica aki no ta etico y ta kibra e confiansa cu mester tin entre partnernan cu kier goberna un isla hunto. MPB ta considera cu no por negocia cu honestidad si un banda ta purba busca otro alianza na mesun momento den secreto.

Durante e proceso di e simannan tras di lomba, MPB a nota cu e negociacionnan tabata cana hopi slow y cu hopi estorbo. Lider di MPB, Hennyson Thielman, a indica cu UPB tabata pone condicionnan hopi dificil y tabata keda pega den nan mesun posicionnan sin duna espacio pa compromiso. Un di e puntonan di discusion mas fuerte tabata e reparticion di e cartera di e diputadonan. UPB a insisti y a exigi pa nan haya dos diputado den e coalicion nobo. Di otro banda, e fraccion di MPB hunto cu e fraccion di Serberie a bin cu un proposicion mas balansa unda cada fraccion lo mester a entrega un diputado. Segun MPB, e formula aki lo a garantisar un miho balansa, checks and balances, y un cooperacion mas sano den e colegio ehecutivo, pero UPB a nenga esaki categoricamente.

MPB a subraya cu nan a purba di tur manera pa yega na un acuerdo. Nan a presenta varios proposicion intermedio



y compromisonan pa purba di move e proceso dilanti, pero tur e esfuersonan aki a wordo rechasa door di UPB. E falta di boluntad pa duna y tuma a crea un situacion unda e negociacionnan a keda pega pa hopi tempo, causando un retraso innecesario den e formacion di un gobierno cu mester atende cu e asuntonan urgente di e pueblo di Boneiro.

Cu e retiro di MPB, e futuro politico di e isla ta keda den un situacion di incertidumbre, maske tur indicacion ta apunta cu UPB awo lo bay formalisa un coalicion cu Partido Demokrat. MPB a finalisa nan carta deseando UPB hopi exito den nan intentonan pa forma un bestuur nobo, pero nan a laga hopi cla cu nan no ta dispuesto pa forma parti di un proceso unda falta di respet y falta di transparencia ta manda.

E decision aki di MPB ta nifica cu nan lo bay ocupa nan lugar den oposicion, for di unda nan lo sigui vigila e maneho di e isla. Pa awo, tur wowo ta poni riba e movecionnan di UPB y Demokrat pa mira si nan por yega na un acuerdo final pa goberna e isla den e dianan cu ta bini. E noticia aki a causa hopi reaccion den comunidad di Boneiro, unda hende tabata spera un estabilidad politico mas pronto posibel despues di e cambionan den e constelacion di e conseho insular.

Fuente: Bonaire.nu

DCNA ta lansa programa regional pa rescata naturalesa den Caribe Hulandes

DUTCH Caribbean Nature Alliance (DCNA) a duna inicio oficial na un programa nobo y ambicioso cu tin como meta principal pa harmonisa y fortifica e labornan di conservacion y restauracion di naturalesa den e seis islanan di Caribe Hulandes. Cu e iniciativa aki, e organisacion kier pa e islanan traha mas estrecho cu otro pa enfrenta e menasanan grandi cu nos medio ambiente ta enfrenta actualmente.

E programa aki, cu a haya e nomber di Key Habitats Program, a wordo diseña pa fungi como un brisa cu ta conecta e esfuersonan local cu tin caba riba cada isla, permitiendone pa esakinan escala bay na un nivel regional. E enfoke no ta solamente riba proteccion, sino mas bien riba un accion directo pa recupera loke a wordo perdi durante e ultimo decadanen door di factornan humano y natural.

E cinco pilarnan di e programa

DCNA a identifica cinco ecosistema critico cu mester di atencion inmediato pa garantisar un futuro sostenibel pa e region.

E ecosistemanan aki ta fundamental no solamente pa e biodiversidad, sino tambe pa e economia y e proteccion di e costanan di e islanan:

- 1. Rifnan di coral:** Esaki ta kisas e punto mas critico. Actualmente, e salud di nos rifnan ta den un estado precario.
- 2. Yerb'i lama:** Esakinan ta crucial pa e bida marino y pa e filtracion di awa.
- 3. Mangel:** Nan ta fungi como e prome liña di defensa contra e subida di nivel di lama y tormentanan fuerte.
- 4. Boshinan seco tropical:** Hopi biaha lubida, pero esencial pa e flora y fauna endemico di e islanan.
- 5. Boshinan muha tropical:** Area nan cu ta mantene e humedad y ta sostene un variedad enorme di bida den e islanan mas halto.

Un situacion di urgencia

E decision pa lansa e programa aki no a bin pornada. E datonan actual cu DCNA a presenta ta preocupa hopi hende cu ta stima naturalesa. Un di e cifranan mas impactante ta cu, averahe, solamente 8 por ciento di e rifnan di coral den nos region ta consisti di coral bibo. Esaki ta un reduccion drastico cu tin consecucionnan serio pa e pesca y pa e turismo, cu ta e motor economico di hopi di nos islanan.

E presion riba e ecosistemanan aki ta bin di diferente banda. Contaminacion di awa, e problema persistente di overbe-



grazing door di bestianan los y e efectonan devastador di cambio di clima ta e factornan principal cu ta pone e naturalesa den un posicion vulnerabel. Sin un intervencion coordinada, e riesgo di perde e habitadnan aki pa semper ta hopi halto.

Oportunidad pa proyectonan local

Un aspecto clave di e Key Habitats Program ta e participacion di e comunidad y e organisacionnan local. Desde dia 3 di maart, organisacionnan riba e 6 islanan tin e oportunidad di presenta nan proyectonan pa haya financiamento a traves di e programa aki. Esaki ta habri porta pa innovacion y pa solucionnan cu ta adapta especificamente na e realidad di cada isla, pero cu e apoyo y e vision di un cooperacion regional.

DCNA ta spera cu e structura nobo aki no solamente trece e fondonan necesario, sino tambe e conocimiento comparti. Door di comparti experiencia entre e islanan, por evita di ripiti erornan di pasado y por implementa tecnicanan di restauracion cu a demostra di ta exitoso den otro partinan di Caribe.

E meta final ta pa crea un red di naturalesa fuerte cu por resisti e cambionan den futuro. Esaki ta un yamada na accion pa tur esnan involucra den e maneho di naturalesa pa uni forsa. Cu e lansamento di e programa aki, Caribe Hulandes ta duna un paso firme den direccion di un miho maneho di su recursonan natural, buscando un balans entre progreso y conservacion pa e generacionnan cu ta bin.

Fuente: Bonaire.nu

Win a 7 night, 8 day stay at the beautiful Eagle Aruba Resort

***Airfare NOT included**



Tickets: \$100 each or 5 for \$450
Only 100 tickets will be sold

WINNER ALSO RECEIVES:

- ✓ \$100 Eduardo's gift card
- ✓ \$100 Que Pasa gift card
- ✓ Kukoo Kunuku Bar-Hopping Tour for 2



✨ **WINNER DRAWN ON 3/7/26** ✨



Venmo: @onelovefoundationinc
(Last 4 digits: 2457)



PayPal: @onelovefoundationinc

100% of proceeds go toward
animal welfare on Aruba

RECETA DI DIA



Peppered Shrimp Alfredo



E receta aki di Peppered Shrimp Alfredo ta un combinacion perfecto di 'sweet and sour'. E ta inclui cabaron, portobello mushrooms y promenton cora den un saus di Alfredo suave y cremoso.

E ta un plato ideal pa ora bo kier algo special pero cu no ta tuma hopi tempo pa cushina.

Ingrediente

- 12 ons di pasta penne
- 1/4 cup di manteca sin salo
- 2 cuchara di azeta di oleifi (extra-virgin)
- 1 siboyo corta na bloki chikito
- 1 promenton cora (bell pepper) corta na bloki
- 8 ons di portobello mushrooms corta na bloki
- 2 djente di conoflok nenga
- 1 liber di cabaron mediano y limpi
- 1 boter di saus Alfredo (15 ons)
- 1/2 cup di keshi Romano raspa
- 1/2 cup di heavy cream
- 1 telep di cayenne pepper (of mas si bo kier e mas pica)
- Salo y pepper preto na smaak
- 1/4 cup di peterselie fresco corta chikito

Instruccion

1. Cushina e pasta: Pone un wea hanco cu awa y un tiki salo riba candela te ora e cuminsa keda. Agrega e penne y lag'e cushina pa mas of menos 8 pa 10 minuut te ora e ta moli pero ainda firma. Despues basha e awa afo.

2. Hasa e berduranan: Mientras e pasta ta cushina, dirti e manteca hunto cu e azeta di oleifi den un panchi grandi riba candela medio. Agrega e siboyo y laga esaki cushina pa 2 minuut te ora e bira suave. Despues agrega e promenton cora, e mushroomnan y e conoflok. Cushina tur hunto pa 2 minuut mas.

3. Agrega cabaron y saus: Pone e cabaronnan den e panchi y cushina nan te ora nan bira firme y colo rosa. Agrega e saus Alfredo, e keshi Romano y e heavy cream. Laga e saus cushina suavemente (simmer) mientras bo ta keda move pa mas of menos 5 minuut te ora e saus bira diki.

4. Finalisa: Sasona e cuminda cu e cayenne pepper, salo y pepper preto na bo smaak. Agrega e pasta penne den e saus y mescla tur cos bon. Ora di sirbi, strooi e peterselie ariba.

Reflexion pa di 14 dia di Cuaresma

Un yamada pa curashi y speransa

E caminda di Cuaresma ta continua y awe nos ta marca e di diescuater dia di e tempo sagrado aki. Den e transcurso di e simannan tras di lomba, hopi di nos a cuminsa sinti e pisa di nos sacrificionan of kisas e desafio di mantene nos compromisonan spiritual. Sinembargo, e di 14 dia aki ta bin como un pilar di forza, recordando nos cu e esfuerso pa bira un miho version di nos mes no ta en bano.

Un momento pa evalua e curason

Cuaresma no ta simplemente un temporada pa laga di come cierto cuminda of pa abstene di bicionan. E ta, fundamentalmente, un tempo pa e curason wordo transforma. Riba e dia aki, nos ta wordo invita pa para keto y reflexiona riba e calidad di nos pordon y e profundidad di nos caridad. Den un mundo cu hopi biaha ta mishi cu nos pas y ta purba desvia nos atencion, e di 14 dia di Cuaresma ta pidi nos pa busca e silencio interno.

Ta den e silencio ey nos por scucha e bos cu ta guia nos pa reconcilia cu esnan cu kisas nos a ofende of esnan cu a causa nos dolor. E meta di e cuarenta dianan aki ta pa yega na Pasco di Resurreccion cu un spirito renoba, liber di carganan innecesario di rabia of rencor.

E balor di e sacrificio diario


Hopi biaha nos ta pensa cu pa e tempo aki ta “actualisa” of tin nificacion, nos mester haci cosnan grandi y espectacular. Pero e berdad ta cu e transformacion mas profundo ta sosode den e detayenan chikito di tur dia. E por ta e decision di no critica un colega, e pasenshi pa scucha un familiar cu mester desahoga su mes of e actonan di generosidad cu ningun hende no ta mira.

Awe, dia 5 di maart, nos ta corda cu cada dia tin su propio reto. Si bo a faya den bo meta di Cuaresma ayera, awe ta un oportunidad nobo pa cuminsa di nobo. Misericordia no tin limite, y e caminda pa e cruz no ta un liña recto, sino un proceso di lanta cada bes cu nos cay.

Fortalece e fe den comunidad

E aña aki, mas cu nunca, nos ta mira e importancia di apoya otro. Cuaresma no ta un biahe solitario. Ora nos ta resa, nos ta haci maske ta den nos mes cas, nos ta uni cu miles di otro personanan cu tambe ta buscando luz. E union aki ta duna nos e curashi necesario pa enfrenta e problemanan di bida diario cu un perspectiva diferente.

Nos ta biba den un tempo caminda e noticia rond di mundo



por parce yen di scuridad. P’esey, e di 14 dia aki ta un yamada pa nos mes bira un luz pa otro. Sea a traves di un palabra di curashi of un gesto di amor, nos por refleha e amor cu nos ta ricibi di ariba.

Oracion y ayuno: Hermentnan di victoria

Den e tradicion cristian, oracion y ayuno ta wordo presenta como herment pa fortalece e boluntad. Ora nos ta priva nos mes di algo material, nos ta recorda nos mes cu “no di pan so e homber ta biba”. E disciplina aki ta yuda nos pa no wordo domina pa nos deseonan material y pa nos tin mas espacio pa e spiritual.

Awe nos ta resa pa tur esnan cu ta sufriendo, pa e malo y pa e famianan cu ta pasa den tempo dificil. Cu e di 14 dia di Cuaresma aki sea un fuente di bendicion pa henter nos comunidad. Laga nos sigui cana cu fe, sabiendo cu e caminda ta hiba nos na e alegria di e Resurreccion.

Cu e reflexion aki sirbi como un guia pa bo dia, y cu bo por haya e paz cu bo ta busca den e tempo di gracia aki.

Fortaleza pa Famia

Mayor pone atencion na bo yiu

MAS atencion un mayor pone awendia, pa su yiu, mas bon e ta pa nan tur dos.

Nos no ta bibando den e miho tempo, no absolutamente, nos ta bibando den tempo trabahoso, caminda cosnan cu ta parce chikito por bira grandi y afecta bida di nos yiu.

Tin asina tanto distraccion, malisia, inmoralidad y perversion ta bay rond den bida di muchanan, cu bo ta puntra bo mes, pakico y dicon, pero no lubida cu Hesus a bisa, laga e muchanan bini cerca Mi, no stroba nan, pasobra E sa cu e enemigo tambe ta nan tras pa destrui nan.

Nos mester pone atencion special na nos yiunan, y specialmente nos hobennan, y no haci man grandi prome cu tempo. Awendia bo no ta mira streki den cabey mas cu ta identifica un mucha chikito, mayornan ta pura pa bisti e mucha manera mucha grandi e ta, y asina e tambe ta cuminsa pensa e ta mucha grandi y hopi di nan no ta gosa di nan infancia, door di pensamiento grandi cu ta wordo hinca den nan cabes.

Un telefon por cambia bida di un mucha, si e mayor no ta atento den e asunto, pasobra tin mayor ta kere cu nan yiu ta na soño, pero e mucha ta riba su telefon y no ta drumi na ora pa e por lanta bay scol.

Corda bon bo tin tur derecho di tuma e telefon for di e mucha, of bis'e pone e telefon den bo camber y bay su camber, pa asina bo tin control, riba tur locual ta haber cu e telefon anochi, pa evita cu bo tin cu zundra mainta, pa e mucha por lanta, y tambe evita cu e mucha por tin mas atencion pa su telefon, cu e tin atencion pa su desayuno mainta.

Coreccion y disciplina di bo yiu, no tin mester di tin palabra malo y ofensa den dje, simplemente abo como mayor mester pone orden y regla, y no desvia for di nan, pasobra lo bay tin consecuencia pa boso tur dos.

E mucha lo ta malcria, y no kier tende, y abo lo pasa berguensa cu ne dilanti di hende, si abo como mayor no ta atento cu ne, pasobra bo atencion por scapa bida di bo yiu, y bo falta di atencion por pone bo sinti bo mes culpabel, pa



hopi tempo, pasobra lo bo bisa, si mi a papia, si mi a wak, si mi a guia, si mi a tuma mi responsabilidad na serio, si mi tabata na cas, awe mi yiu lo ta bon of lo mi tin mi yiu.

Diabel ta gusta pa hende sinti nan mes culpabel, pasobra asina e por traha riba consenshi y salud mental di hende. P'esey e palabra di Dios ta bisa hopi cla; Instrui e mucha den e caminda cu e mester cana, y hasta ora e bira bieu, e lo no aparta su mes for di dje (Proverbionan 22:6).

Disciplina bo yiu mientras tin speransa ainda, y no desea su morto (Proverbionan 19:18).

Y na tur mucha y tur hoben e palabra di Dios ta bisa: Scucha conseho y acepta disciplina. Pa bo por ta sabi pa resto di bo bida (Proverbionan 19:20).

Y na e mayor e palabra di Dios, ta keda zona tur dia, sea atento: Y boso tatanan, no provoca boso yiunan na rabia, ma lanta nan den e disciplina y instruccion di Señor (Efesionan 6:4).

Haci tur esfuerzo pa bo lanta bo yiu, miho cu bo mayor a lanta bo, e tempo cu nos ta bibando aden no ta tempo di haci wega. Corda riba Juan 10:10 tur momento.

Santo di Dia

Awe ta Dia d San Juan Jose de la Cruz

Un ehempel di humildad y amor pa prohimo

DEN e rikesa spiritual di Iglesia Catolico nos ta haya e figura di San Juan Jose de la Cruz kende su fiesta ta wordo celebra riba dia 5 di maart. E santo aki a nace rib'e isla di Ischia na Italia den aña 1654 cu e nomber di Carlo Gaetano Calosirto. Desde masha hoben caba el a sinti un yamada fuerte pa dedica su bida na Dios den un forma radical y profundo. Su bida ta un testimonio bibo di kico ta nifica biba den scuridad di mundo pa briya cu e luz di Cristo den e curason di esnan mas desampara y den e silencio di oracion.

Na e edad di 16 aña el a dicidi di drenta den e orden di e Fransiscanonan Alcantarinonan cu tabata conoci pa nan bida di hopi sacrificio y scarsedad. Akinan el a cambia su nomber pa Juan Jose de la Cruz pa simbolisa su morto pa e bida mundano y su nacemento nobo den spirito. Su caminda no tabata facil pasobra el a scoge un bida di penitencia hopi duro. E tabata cana pia abou y tabata bisti paña masha bieu mes pa asina identifica su mes cu e pobernan di mas pover den sociedad. Su humildad tabata asina grandi cu maske e tabata un persona hopi sabi y cu hopi talento e tabata busca semper e trabounan di mas abou den e convento pa sirbi su rumannan.

Un di e caracteristicanan mas bunita di San Juan Jose de la Cruz tabata su capacidad pa scucha y duna conseho. Hopi hende di tur clase social tabata bishit'e pa busca un palabra di speransa of pa pidi su intercesion den oracion. E tabatin e don di por lesa e curason di hende y hopi biaha e tabata sa kico e persona tabatin mester prome cu nan mes a papia. Su bida tabata un combinacion perfecto entre e accion di yuda e pover y e contemplacion den silencio. Pa e santo aki e silencio no tabata bashi sino un espacio yen di e presencia di Dios caminda e por a haya e forsa necesario pa sigui cu su mision di amor y paz.

E amor cu e tabatin pa e pobernan tabata algo increibel. E tabata comparti e tiki cuminda cu e tabatin y hopi biaha e tabata keda sin come pa asina un otro persona por a satisfice su hamber. El a compronde masha bon e palabra di Evangelio cu ta bisa cu tur loke bo haci pa e rumannan mas chikito bo ta haci'e pa e mesun Dios. Su bida tabata un predicacion sin palabra pasobra su accionnan tabata papia



mas duro cu cualkier discurso largo. E tabata biba locual e tabata kere y e coherencia aki tabata atrae masha hopi hende mes pa cambia nan bida y bira bek na e caminda di fe y di caridad.

Aña tras aña e santidad di San Juan Jose de la Cruz tabata bira mas conoci den henter Italia. Maske e tabata kier a keda scondi e boluntad di Dios tabata otro. El a wordo nombra como superior di varios convento y semper el a goberna cu un amor di tata y un pasenshi infinito. E tabata insisti hopi riba e importancia di union entre e rumannan y riba e necesidad di keda fiel na e voto di pobresa. Pa e santo aki e berdadero rikesa tabata den e curason y no den cosnan material cu ta pasa y ta perdi cu tempo. Su morto a bin riba dia 5 di maart di aña 1734 y su fama di santidad a sigui crece te ora cu el a wordo canonisa pa Iglesia.

Awe nos por siña hopi di e santo aki den nos mundo moderno caminda hopi biaha nos ta busca fama y rikesa rapido. San Juan Jose de la Cruz ta recorda nos cu e caminda pa e berdadero felicidad ta pasa door di e porta di humildad y e servicio na e prohimo. E ta invita nos pa busca momentonan di silencio den nos bida diario pa nos por scucha e bos di Dios den nos mesun interior. Celebrando su fiesta nos ta pidi pa nos tambe por tin e curashi di biba cu menos cos material y cu mas amor pa esnan cu ta sufri nos rond. Cu e bida di San Juan Jose de la Cruz sea un luz cu ta guia nos pasonan awe y semper den e caminda di fe.

E wardado di nos berdad

Un reflexion riba identidad y autenticidad

DEN e mundo moderno caminda turcos ta move cu un speed asina halto, hopi biaha nos ta perde den e zoni-donan exterior. Nos ta biba den un era caminda e imagen cu nos ta proyecta riba rednan social of den nos bida profesional hopi biaha ta bira mas importante cu e realidad di nos curason. Sinembargo, ora nos para un rato y busca un silencio profundo, e pregunta fundamental ta keda biba den nos interior: **Ken mi ta realmente?** Esaki no ta simplemente un pregunta di number of fam, sino un buskeda di e identidad autentico cu Dios a planta den cada un di nos desde e momento di creacion.

Identidad den un contexto religioso no ta algo cu nos mester inventa of fabrica. E ta algo cu nos mester descubri. Hopi biaha nos ta purba construi nos mesun identidad a base di loke otronan ta pensa di nos, nos logronan material of e posicion cu nos tin den sociedad. Pero tur e cosnan aki ta temporal y por cambia di un dia pa otro. Ora e cosnan aki desaparece, nos ta sinti nos mes bashi y perdi. Pa un persona di fe, e identidad real ta sinta den e hecho cu nos ta yiunan di e Creador. Esaki ta e base mas solido cu nos por tin. Ora nos compronde cu nos balor no ta depende di loke nos tin, sino di ken nos ta den e wowo di Dios, nos ta cuminsa biba cu un libertad nobo.

Autenticidad ta e acto di biba di acuerdo cu e identidad ey. Ser autentico ta nifica kita e mascaranan cu nos ta bisti pa complace mundo. Den e bida spiritual, autenticidad ta wordo yama tambe integridad. E ta nifica cu loke tin den nos curason ta wordo refleha den nos accionnan y den nos palabranan. Hopi biaha, pa miedo di wordo husga of rechasa, nos ta sconde nos debilidad y nos erornan. Pero e bida religioso ta siña nos cu Dios conoce nos profundi-



dadnan caba. No tin mester di sconde nada pa e Wardado di nos alma. Ora nos aserta nos mes cu tur nos imperfeccionnan dilanti di Dios, nos ta habri e porta pa e transformacion berdadero por cuminsa tuma luga.

Biba un bida autentico no nifica cu nos ta perfecto. Al contrario, e nifica cu nos ta honesto tocante nos mesun humanidad. E humildad aki ta permiti nos conecta mas profundamente cu e Creador y cu nos prohimo. Ora nos no tin nada di sconde, nos por stima di un manera mas puro. Identidad y autenticidad ta bay man den man pasobra bo no por ta autentico si bo no sa ken bo ta y bo no por sa ken bo ta si bo no ta honesto cu bo mes y cu Dios. E caminda aki ta rekeri hopi oracion y meditacion.

Ta den e momentonan di soledad cu e Todopoderoso cu nos ta tende e stem suave cu ta recorda nos cu nos ta stima y cu nos tin un proposito den e bida aki.

Pa conclui, e reflexion aki ta invita cada un di nos pa analisa nos bida diario. Nos ta biba pa e aplauso di hende of nos ta biba pa e gloria di Dios? E identidad cu nos ta carga ta un regalo divino cu ningun hende por kita di nos. Ora nos biba for di e centro ey, nos ta bira un luz pa otronan. Autenticidad ta e miho testimonio cu un persona di fe por duna na mundo. Loke mundo mester awe no ta mas hende cu ta parece perfecto, sino mas hende cu ta real, cu ta stima cu sinceridad y cu ta reconoce cu nan identidad ta firmemente ancrá den e amor eterno di Dios.

Santa Misa 7 maart '26 na Kapel di Kapel Alto Vista y Blue Army San Nicolas

Pa 7or di mainta, Santa Misa na Kapel di Curason di Maria (Blue Army y na Alto Vista)

PROME cu Santo Misa ta resa Santo Rosario pa 6. 15 "Misterio Gososo", despues ta sigui cu Salve Regina. Ta invita tur devoto y fielnan di Mama Maria pa asisti na e Santa Rosario prome cu Santa Misa. E ta entercede pa nos na nos Tata Celestial. Papa Leon ta pidi pa henter mundo resa e Santo Rosario pa bienestar di henter mundo. Pa reina pas y tranquilidad den nacionnan cu ta den guerra.

Papa Leon X1V Y Obispo Charles y tur sacerdote, Diacono y laiconan cu ta hiba e bon noticia pa e pueblo di Dios. Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca nan

salud. Cu pronto regresa na Aruba pa sigui gosa di un bon salud den nan su famia stima. Luna di maart ta dedica na San Hose . Ban canta y pidi Hesus yuda nos den nos necesidadnan. Ban hinca rudia busca refugio na nos Mama Celestial. E ta guia nos riba e Caminda di Dios.

Cu Mama Maria den nos curason, nos Mama stima, compaña nos den e caminda di pas. Ban hunto resa pa nos hogar y nos isla Aruba. Pa tin pas y comprension un pa otro. Den nos oracionnan resa pa por yega na e pas desea.

SETAR ta participa fayecimento di:

Sr. Emiliano Tromp

Tata di nos colega Daniela Solognier-Tromp,
Medewerker Incasso.

Acto di entierro ta tuma luga diabierna
6 di maart 2026 di 2or di merdia pa 4or di atardi
na Parokia Sagrado Curason na Savaneta.

Gerencia, Staf y Personal di SETAR N.V.
ta extende palabra di condolencia na
Daniela y demas famia.



Cu dolor na nos curason, nos ta anuncia fayecimento di:

Joel R. Rajnherc

*6 oktober 1949 - †1 maart 2026

Acto di entierro lo wordo anuncia despues



Met mooie herinneringen maken we het overlijden bekend van:

**Mevr. Catharine
C. F. Bosch-Wentink**

*08-12-1936 - †03-03-2026

Plaats en tijdstip van het afscheid wordt later bekend gemaakt



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:

**Soljeri Rafaleanne
Ridderstap**

*17-08-1991 - †03-03-2026

Acto di entierro lo wordo anuncia despues.



Laga tur locual cu ta sperami ta bunita.
Laga tur locual cu mi encontra
na caminda ta bunita.
Laga tur locual cu ta rondonami ta bunita.
Laga tur locual mi ta laga atras keda bunita.
Y laga esakinan termina den tur buniteza.
Cado Wever

Cu inmenso tristesa den nos
curason nos ta anuncia fayecimento di nos
casa, tata y welo stima.

Sr. Gabriel Croes

Mihor conoci como Gabi
*24 Maart 1938 – † 28 Februari 2026

Mayornan:
† Chento & † Chida Croes – de Mey

Na number di su:
Casa:
Francisca “Sita” Croes – Loefstop

Yiunan:
Jermia “Maya” Anthony-Croes viuda di † Randy
Anthony
† Marieta Croes
Sharin Croes

Nietonan:
Hayden Anthony
Samantha Schwengle
Yxzaira Anthony
Xander Schwengle

Rumannan:
† Jenchi & † Tichi Croes
† Juanita & † Paulus Croes y Famia
† Cerilio Croes & Yiu y Famia
† Adriano & † Andrea Croes y Famia
† Miguel Croes y Famia
† Antonio & Chita Croes y Famia

Sua & Cuñanan:
† Maria Magdalena & † Nadi Croes y Famia
Marceliana “Canay” & † Patricio Croes y Famia
† Antonio Loefstop
† Damasco “Dama” & Maria Loefstop y Famia
Leonardo “Chai” & † Alcida Loefstop y Famia
Filomena “Mena” & † Marcolino Erasmus y Famia
Altagracia “Inchi” & Everardo de Cuba y Famia
Ethline Loefstop y Famia

Sobrino y sobrina nan, primo y prima, ihanan.

Ayudantenan di cas:
Trinity Aruba, Wit Gele Kruis & Footprints Home
Care Aruba.

Un danki special ta bai na su dokter di
cas, Dr. van Ool, demas specialistanan y
fysiotherapiestanan.

Famia:
Croes, Loefstop, de Mey, Anthony, Schwengle,
Lampe y demas famia.

Ta invita pa acto di entierro cu lo tuma lugar dia
6 di Maart 2026 na Aurora Funeral Home di 9or
pa 11or di mainta.

Despues nos defunto stima lo wordo hiba na su
ultimo lugar di sosiego na Santana Catolico di
Paradera.

Despues di despedida nos no ta ricibi bishita di
condolencia na cas.

Disculpa nos, si den nos tristesa nos por a lubida
algun familiar.



“Hesus a bis’e: “Ami ta resureccion y bida; esun
cu kere den Mi, lo biba asta si e muri.”.
Juan 11:25

Cu hopi tristesa na nos curason, nos ta anuncia
fayecimento di nos ser stima:

Ronald V. Fingal

Miho conoci como ‘Ronnie’
*08-11-1958 – †28-02-2026

Na number di su:
Esposa stima:
Eveline Fingal-Jacobs

Yiunan stima:
Jeffrey Fingal
†Rouël Fingal

Tata:
†Everaldo Fingal

Mama:
†Jesusita Fingal-Briesum

Madrastra:
Theresita Fingal-Loepstop

Rumannan:
Leo y Magaly Fingal y famia
Frank y Lourdes Fingal y famia
Sito y Marta Fingal y famia
Maiky y Vanessa Fingal y famia
Sharleen y Jose Kock-Fingal y famia

Sua,- y cuñanan:
†Norma y Emiliano Giel y famia
†Hose y Kitty Jacobs y famia
Erica Jacobs y famia
Marcelino y Lady Jacobs y famia
Carmen y Leo Farro-Jacobs y famia
Pedro Jacobs

Tanta:
Aura Maria Schwengle-Fingal

Subrino(a)nan:
Andhira, Andrick, Richenell, Jeancarlo,
Leonardo, Bryan, Nathalie, Mirella, Kendalee,
Jesu, Jean Andrew, Jean Marc, Nohely,
Valery, Genesis, Shaun y Joseph

Primo y primanan, ihanan y demas famia:
Fingal, Jacobs, Briesum, Biesum, Loepstop,
Kock, Cardona, Giel, Farro, Maduro,
Wolff, Webb, Alberto, de Mey, Boekhoudt,
Hernandez, Krozendijk, Bareño, Dubero,
Schwengle, Esser, Feliciano, Zara, Figaroa,
Habibe, Croes, Maduro, Riley, Fuentes y
Werleman

Kier a invita su amigo-, bisiña-, conocir- y
ex-coleganan di Setar pa asisti na acto di
condolencia y despedida cual lo tuma lugar
ariba **Diabierna 6 di maart 2026** di 9:30am
pa 11:30 am na Misa di Santa Anna Noord y
despues lo sali bai pa Santana Catolico na
Noord

Nos ta lamenta cu despues di entierro nos no
por ricibi bishita di condolencia na cas.

Nos disculpa si nos por a lubida un of otro
famia y / of conoci den nos tristesa.



He that dwells in the shelter of the Most High, shall
abide under the shadow of the Almighty.
Psalm 91.

With profound sadness I’m announcing the passing
over unto her eternal home of our mother, sister, aunt
and grandmother:

Velencia Velma Griffin

Better known as “Lencie” or “Zr.Griffin”
Sunrise 8 december 1954
Sunset 27 februari 2026

Left to mourn are Her:
Mother: †Lilian Starrod
Father: †Wilfred “Pops” Griffin

Left to mourn are her son:
Christopher & Emely Hodge-Kelly

Like a loving daughter: Mirella Enser

Siblings:
†Delores Starrod & Tony Callender (U.S.A.)
†Antoni Gario
Laurier & Corry Griffin-Nebbeling(NL)
Lynnie Griffin(NL)
Lenva Griffin(NL)

Grand children she dearly loved:
Xelby , Zion & Brianna Hodge

Nieces:
Joy Walters(U.K.)
Denise Fenton(U.K.)
Carolyn Callender(U.S.A.)
Daniëlle Klasens (NL)
Solankia Dormoy(NL)
Ashmiani Gario(NL)
Ashmira Gario(U.K)

Nephews:
Joey Griffin(NL)
Sergio Griffin(U.S.A.)
Ashrock Gario
Ashumah Gario
Ashland Gario
+Ashanti Gario
Shamar Dormoy(NL)
Patrick Hessings (NL)
Raymond Hessings (NL)

Cousins:
Sylvia Williams & family
Calvin Anderson & family
Horace Anderson & family
Joyce Mohammed & family
Yvonne Marshal & family
Cecil Anderson & family
Judy Florence
Sandra Williams
Sylvia Ottey
Gloria Hanley
Sonia Griffin
Edna Griffin
Many other cousins in USA, U.K. SMX, St. Kitts

Godson: Angelo Helder
Special nurse: Debbie McDougal
BFF: Brunilda Illidge
Ex husband: Antonio “Soup” Hodge

Good friends: Dennis Buckley, Marianne Jeffrey, Vera &
Lilian Felter, Dinora Dirks, Cecilia van Kempen.

Other related & extended family members:
Griffin, Hodge, Starrod, Gario, Hallman, Scott, Barry,
Walters, Callender, Anderson, Williams, Mohammed,
Marshall, Hanley, Ottey, Florence, Richardson, Gibbs,
Kelly, Enser, Helder, Dormoy, Quant, Rosel.

Many friends and acquaintences.
Ex-colleagues of Dr. Horacio E.Oduber Hospital.
All her WhatsApp friends.

Apologies, if other family members were accidentally
omitted.

Farewell services for our beloved Lencie will be held
on **Saturday, march 7th 2026** from 2pm to 4pm at the
Pray Funeral Home in San Nicolaas followed by the
cremation.



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu hopi tristesa y conforme cu boluntad di Dios,
pero agradecido pa su bida y su amor, nos ta
anuncia fayecimento di:

**Sra Viuda Laura Valeria
Williams-Pietersz**
Cariñosamente yama “Lelia”
*28-04-1939 - †26-02-2026
Viuda di: Sr. Vicente Williams

Na number di su:
Subrina/manera un yiu:
Anouschka, Ricardo y famia

Rumannan:
†Shon Tin y †Cleana Pietersz y famia
†Elsy y †Benny de Kort y famia
†Olivia Croes y famia
†Grace y †Victor Larmonie y famia
†Segundo y Reina Pietersz y famia
Paulina y †Thomas Kalinowski y famia
Netto y Sylvia Pietersz y famia
†Martica y †Tommy Arends y famia

Cuña y swanan:
Frits Halley y famia
†Lionel Williams
†James Williams y famia
†Etienne Peterson y famia
†Gloria Williams-Gustina y famia
†Grace Williams y famia
†Ramona Tromp-Williams y famia

Subrino(a)nan, Primo(a)nan

Demas Famia, bisñanan , excoleganan di
Aruba Bank y conocirnan.

Amiga stima: Filomena Dubero

Amigo(a)nan di Gayero

Conoci /Amistadnan di cas:
Sherwin Sint-jago y famia
Tonca Vlaun y famia
Benchi Pik y famia
Dutchi Kock y famia

Acto di despedida ta tuma lugar **Diahuebs
5 di Maart 2026** di 7:00 pa 9:00 pm na Pray
Funeral Home na San Nicolaas.
Cremacion lo tuma lugar den seno familiar.

Nos disculpa si den nos tristeza nos por a
lubida number di algun famia of conoci.

Nos ta lamenta cu despues di cremacion
nos no por ricibi bisita di condolencia na
cas.



“Mi a stima boso tur. Laga mi keda bibo semper
den boso curason jena cu amor y fe di Dios. Mi
tin sigur cu un dia nos lo bolbe reuni contento
cu otro y ayanan, tras di porta di cas di nos Tata
Celestial lo mi para cu amor ta warda riba boso
tur pa mi bolbe primi boso duru na mi curason.

Resa: Nos tata, Ave Maria, Gloria,
pa descanso di su alma”.

Despues di un lucha basta largo,
a bay sosega den cas di señor, nos casa,
mama, ruman, tanta stima:

**Ludwina Maria
Alberts Larez**

cariñosamente jama:
Ma, Pepe Dina, Dina, Luchi, Lu, Lulu, Mosa.
*Januari 17, 1960 - †Februari 27, 2026

Na number di su:
Mayornan:
†Pedro Larez & †Rosa Larez-Rosaria

Su casa stima:
Rudy Alberts

Su junan cu e la stima:
Ydur Alberts & Caroline Cardenas, Rudy Jr.
Alberts

Su suegro y suegra:
†Mario Alberts & †Ismai Alberts-Paskel

Su rumannan:
Dorothea & Ronald Haemers y famia
Beatrix & Simon Dorothal-Larez y famia
Maritza Larez & famia
Luis Larez & Lilian Maduro y famia
Rina & †Kokping Lee y famia
Gregorio Larez
David Larez y yunan

Sua y cuña:
Maiky & Carmencita Aberts y famia, Mariana &
Deichi Kock y famia, Lucica & †Hildo Rasmijn y
famia, Lino Alberts y junan.

Su iha nan:
Angelo Haemers, Daphny, Semerel-Danjo, Liza
Rasmijn y Brian Dorothal.

**Tur sobrino (a) nan, tanta nan, primo y prima
nan y demas famia nan:** Larez, Alberts,
Cardenas, Haemers, Dorothal, Maduro, Lee,
Danjo, Semerel, De Leon, Rasmijn, Rosaria,
Lacle, Pietersz, Geerman, Albertus, Cranston,
Bermudez, Schöner, Werleman, Oduber, Kock,
Tromp, Boekhoudt, Rosel, Clement, Croes.

Su pastoor stima:
Pader Andry, Su colega nan di San Pedro
Paveljoen, Huize Maristella y Stichting Hunto.

Demas famia, conocirnan y bon amistad nan di
misa Cristo Rey.

Nos disculpa si pa motibo di nos tristesa por a
lubida algun miembro di famia.

Ta invita pa e acto di entierro cu lo tuma lugar
Diabierna 6 di Maart 2026 na Pray Funeral Home
di 2:00 pm pa 4:00 pm di atardi despues lo Sali
pa Santana Catolico di Savaneta.

Nos ta lamenta cu despues di entierro nos no por
ricibi bishita di condolencia na cas.

Mi a lucha e bon lucha, Mi a core e careda te na fin y mi a
mantene mi fe. 2 Timoteo 4:7

Cu profundo tristesa na nos curason, pero conforme cu
Papa Dios su boluntad, nos ta anuncia cu a bai sosega den
Reino di Señor:

**Sra. Norma
Modesta Lampe**

Mihor conoci como: Nooi, Moma of
Tanta Moma
*4 november 1930 - † 4 maart 2026



Acto di entierro lo wordo anuncia despues

“Señor ta mi wardador, mi n’ tin falta di nada;
Den cunucu di yerba berde, E ta ponemi sosega.
E ta hibami na awa tranquil, Pa mi bolbe haña forsa”.
Salmo 23:1,2,3.

Cu inmenso dolor na nos curason,
pero conforme cu e boluntad di Dios.
Nos ta anuncia fayecimento di:

**Francisco
Reinaldo Besaril**

Miho conoci como “Butchi” of “Padu”
*20 September 1941 – †27 Februari 2026



Na number di su compañera di bida:
Francisca “Enita” Ras

Su Yunan:
Reinaldo MackIntosch y Famia
Guillfred Besaril y Siglaine
Omar Besaril y Danny
Emmely Besaril y Famia.

Su Rumannan:
†Alberto “Chombé” Besaril y Famia
†Pedro “Peruz” Besaril
Candido (Candy) Besaril y †Mercedes.

Sobrino, Sobrinanan:
Andy Besaril y Anita
Gina Besaril y Famia
Sandro Besaril y Carolina
Sandra Besaril
Indirah Croes – Besaril y Rimerberth
Carlos Besaril y Yelitza
Tamara Bisslik – Besaril y Gerald.

Nieto y Nietanan:
Sophie, Stacey
Nayeli, Zayah
Elena, Gabriel
Shavienne y Elyshua.

Bisanietonan: Liam y Luna.

Mama di su Yunan:
Emmely Diana Giel y Famia
Silvia MackIntosch y Famia

Mane un yiu:
Agnes Croes y Famia
Mariela Ras y Famia
Lisa Canhigh y Famia

Ex Collegenan di:
Caribbean Hotel & Casino
Concorde Hotel & Casino
Hilton Hotel & Casino
Aruba Grand Hotel & Casino y
WEMA Hardware Store (San Nicolas).

Ex Compañeronan di FTA

**Primo, Primanan, Famianan, Bisiñanan, Amigonan di Cas
y demas Amistades:** Besaril, Rasmijn, Henriquez, Ras, Giel,
MackIntosch, Croes, Wever, Dullens, Maduro, de Kort,
Bisslik, de Cuba, Wernet, Colina, Luidens, Vives, Vrolijk,
Arends, Donker, Trimon, Geerman.

Famia Becerrit, Seco, Palencia y demas familiares na
Venezuela.

Nos disculpa cu si den nos tristesa nos por a lubida na
menciona un of otro famia.

Demas conocirnan, amigonan di Barrio y en General

Ta invita n’e acto di entierro cu lo tuma lugar **Diahuebs 5 di
Maart 2026** na Misa Cristo

Mi no a muri. Ta p’esey mi no a bisa ayo.
Mi a djis habri mi halanan y bula bay keiro.
Boso a keda atras. No laga tristeza domina boso.
Keda uni un cu otro pa mi alma, esey lo ta un alegria.
Recorda mi cu hopi amor.

Cu dolor na nos curason pero conforme cu boluntad di Dios, nos ta anuncia fayecimento di:

Emiliano Tromp

Mihor conoci como “Pacha”, “Miano”,
“Mill”, “Blood”, “Papa” y “Mianchi”
*8 Augustus 1934 - †28 Februari 2026



Na number di su:

Esposa: †Leonora Tromp-v/d Biezen

Yiunan: Edwin y Elvira Tromp-Geerman y famia
Jacinto y Nepzully Tromp-Briceno y famia
Mariela y Guadalupe Henriquez-Tromp y famia
Daniela y Alberto Solognier-Tromp y famia
Alvin y Sabira Tromp-Maduro y famia

Manera yiu: Geramin y Vanesa Tromp-Nunez y famia

Mayornan: †Eduardito Tromp
†Carmelita Tromp-Semeleer

Suegro y suegranan: †Lodewijk van der Biezen
†Fransisca van der Biezen-Werleman

Rumannan: †Jose y Carmen Tromp
†Casin y Chichi Tromp
Juliana y †Buti Gil y famia
Theresita y †Hilario Thode y famia
†Mariano y Carmen Tromp y famia
†Asuncion y Delva Tromp y famia
†Eduardita y †Antero Gil y famia
Clea Farro y famia
†Tonny Farro

Nieto y nietanan: Joella y Mark Le Grand-Tromp y famia
Roger y Marielle Tromp-Piter y famia
Natiuska y Ivmar Angela-Tromp y famia
Nayeli Tromp y famia
Jolina y Alexi Heronimo-Tromp y famia
Rosanne y Frencis Janga-Tromp y famia
Arthur y Mary-Ann Henriquez-Kelly y famia
Geramin y Vanesa Tromp-Nunez y famia
Gairo y Charlenne Tromp-La Croes y famia
Judella Tromp y famia
Gabriela Tromp y famia
Caldrick y Laura Tromp-Sofia
Marisa Tromp
Isbelia Henriquez
Isamae Solognier
Naty Bislip

Bisanieto y bisanietanan: Egeld, Alliyah, Julene, Zayger, Zane, Zair, Naivmar, Neymar, Naivilly, Marzayli, Nolan, Nelina, Jayden, Zaydion, Seth, Richeline, Kaylee-ann, Jermaine, Gianna, Rochellien, Sander, Juandro, Jaceline y Riandra.

Swa y Cunanan: †Julian y †Aura van der Biezen-Farro y famia
†Elogia y †Ildo van der Biezen-Thiel y famia
†Linda van der Biezen y famia
†Rosimbo van der Biezen y famia
Adela Van der Biezen
†Teresita van der Biezen
†Luciana van der Biezen

Iha: Lilian Gil

Sobрино y sobrinanan, primo y primanan, ihanan, Bisiñanan, conocirnan y amistadnan di cas, ex trahadornan di Lago, Garcia Contractor y su amigonan di White Star.

Demas Famia: Tromp, Van der Biezen, Werleman, Geerman, Briceno, Solognier, Maduro, Semeleer, Farro, Thode, Gil, Nunez, Angela, Le Grand, Henriquez, Del Orbe de Jesus, Piter, Kock, Janga, Kelly, Heronimo, Vlaun, de Palm, Thiel, La Croes, Sofia, Curie, Rosa, Bislip, Beaujon, Donata, Quandt, Prins, Wester, Wernet, Harkelij, Halman, Britten, Wolf, Franken, Pourier, Boekhoudt, Jimenez, Terrero, Ruiz y Driksz.

Si den dolor nos por a lubida algun famia, nos ta pidi disculpa pa esaki.

Oportunidad pa Condolencia lo ta **Diahuebs, 5 di Maart 2026** na Ad Patres Funeral Home & Crematory na San Nicolas di 7’or pa 9’or di anochi.

Acto di entierro ta tuma lugar **Diabierna 6 di Maart 2026** na Parokia Sagrado Curason na Savaneta di 2’or pa 4’or di atardi. Despues lo sali pa santana San Hose na Savaneta. Despues di entierro no lo ricibi bishita di condolencia na cas.

Staff y personal di Ad Patres funeral home & crematorium San Nicolas ta extende nos mas sincero condolencia na Famia di e fayecido.

Laga loke ta spera mi ta bunita laga tur locual mi encontra na caminda ta bunita
Laga esakinan termina den tur Bunitesa.cumi encontra Laga tur loke ta sperami ta bunita laga tur locual cumi encontra na camindaTa buniLaga esakinan termina den turBunit
“Señor ta mi Wardador, pues mi’n tin falta di nada; Den cunucu di yerba berde, E ta pone mi sosega. E ta hiba mi na awa trankil, pa mi bolbe haña forsa. E ta guiami den caminda drechi fiel na su number.” Salmo 23

Cu profundo dolor y tristeza na nos curason pero conforme cu boluntad di Dios y agradecido pa tur locual ela nifica pa nos, nos ta anuncia fayecimento di nos mama, wela, bisawela, tanta y ruman stima

Sra. Petra Filomena Geerman-Vrolijk

Mihor conoci como Mama, Madu of PeChichi
20-09-1947 †28-02-2026
Vda. di †Angel Geerman



Mayornan:

†Margarita Vrolijk-Oduber y †Eloy Fransisco Vrolijk

Yuinan: Maria (Gina) & Eduard (Eddy) Geerman y yuinan
Shareen Geerman y yuinan
Mirtha Geerman y yuinan

Nieta(o)nan: Geneida Geerman y Gregory Maduro
Jean Pierre Geerman y Monique Thijsen
Edmar Geerman y Milaiza Vrolijk
Jeandré Geerman
Yrlaine Laclé y Chayenne Erasmus
Sjaïr Laclé y Mirelle Tromp
Kevin Werleman
Mirella Ras

Bisanieta(o)nan: Raiden Maduro
Jaydianne Geerman
Mizhaila Vrolijk
Elizienne Geerman
Kyden Geerman

Rumannan: Miguel Vrolijk y Bernadeta Donata y famia
Daniel Vrolijk y Marvel Agostien y famia
Dominico Vrolijk y Rosa Werleman y famia
Roman Vrolijk y Sita Croes y famia
Fransisca Vrolijk y Mateo Werleman y famia
Maria Vrolijk y Armando Croes y famia

Sobrina(o)nan: Annie y David Dirksz
Anthony Vrolijk y yuinan
Jessica Vrolijk y yuinan
Rosslyn Vrolijk
Carissa Croes y Orlando Lopez y yuinan
Amanda Croes y Andfer Spalek y yuinan
Dayensee Vrolijk y Miguel Lopes y yui
†Dennis Werleman y yui
Raymond Werleman y Ivon Medina y yui
Stephanie Werleman y yui
Blanca Vrolijk y Jervin Jansen y yuinan
Junny Vrolijk y Lizette Quijada y yuinan

Cuña: †Juana Alberta Werleman y yuinan
Sua: †Rafael Geerman y yuinan
Suegra: Marie Geerman-Danje y yuinan
Comer: Anna Werleman y famia
Comper: Miguel Oduber y famia

Mescos Ruman: Anna Trinita Werleman y famia
Rina Werleman y famia

Stima manera Yui: Ivon Werleman-Medina

Primo(a)nan, bisiñanan y demas miembro di famia:
Vrolijk, Geerman, Oduber, Croes, Werleman, Winterdaal, Laclé, Ras, Thijsen, Maduro, Erasmus, Tromp, Donata, Agostien, Dirksz, Lopez, Spalek, Quijada, Medina, Starke, Violenus, Linnenbank, de Cuba, Flemming, Jansen, Tromp, Vries, Kock, Henriquez, van der Linden, Christiaan, Besselink, Krozendijk, de Luigi, Bislick, Danje, Silva, Ridderstap, Calves, Koolman, Kelly.

Un Danki Special na: Dokter Singh
Staff y personal di Wit Gele Kruis

Nos disculpa si den nos tristeza nos por a lubida un of otro famia y conocir.

Ta invita tur famia, bisiña, amiga(o)nan y conocirnan pa compañía nos na e acto di intiero cu lo tuma lugar **Diabierna 6 Maart 2026** na Misa Inmaculada Concepcion na Santa Cruz.

Nos defunto stima lo ta reposa di 2:00pm pa 4:00pm den Misa, despues lo sigui pa Santana de Vries na Santa Cruz.

Nos ta lamenta cu despues di intiero nos no lo por ricibi bishita di condolencia na cas.

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil, pami bolbe haña forza”.
Salmo:23

Cu inmenso tristeza na nos curason, pero conforme cu boluntad di Dios nos ta anuncia fayecimento di nos ser keri:

Frida Edwina Croes Thijzen

Cariñosamente yama:
“TanFrida of TanFri”

*06-07-1957

†23-02-2026



Na number di su:

Tata: †Leocadio Thijzen

Mama: †Sebastiana Martijn-Thijzen

Esposo stima: Isaias Croes

Yuinan: John y Sylvia Croes-Verkooijen
Juny y Esmeralda Croes
Ryan y Nick Croes – Timmers
Christopher y Damira Croes- Odor
Juan Junior y Indy Croes – Klimtsjac

Nieto (a) nan: Jelisa Croes
John Michael Confessor
Abigail Croes
Savanah Croes

Su Bisanieto: Mason Arnold
Manera nietonan: Daylan y Kayden Angela

Rumannan: Lucio “Eddy” y
Doris Thijzen- Van der Linde
Juan “Bitto” y Thelma Thijzen- de Cuba
Den y Lydia Thijzen -Arends
†Yolanda y Hernando Alvarez- Thijzen
Mario y Linda Thijzen- Solognier

Manera ruman: Miriam y Fanchi Koolman-Rosel
Norma Martijn
Esther Esitmez

Sua y cuñanan: Marcelo “Feli” y
Agnes Croes-Petrochi
†Fein y Greta Croes-Croes
Leonardo “Rito” Dirksz
Lidia Dirksz
Vicente Dirksz
Aura Dirksz
Cynthia y Roy Kelly-Dirksz
Susan Dirksz

Sobrino(a)nan:
Johan - Tyrina – Taryn – Rudolf – Gregory – Myron – Ulrick - Ana Carina – Leonardo – Vanessa – Juny – Angelo – Agmed – Raymond – Raybert - Gilmar – Juliaica – Juleanne – Alex – Osmar – Eugene - †Jolene – Andreina – Kenrick – Eldrick – Noadiah – Joacim – Ketura y Jonathan.

Su Tantanan: Rosa Thijzen
Carla Wever-Thijzen
Angelica Tromp- Martijn

Iha nan: Tyrina- Ana Carina- Charlize
Primo y primanan
Famianan: Thijzen,Martijn,Croes y demas famianan.

Ta invita demas famia, bisiña, amigo(a)nan y conocirnan pa asisti na e acto di entierro cual lo tuma lugar **diasabra, 7 di Maart 2026** for di 2or – 4or di atardi, na Ad Patres Funeral Home na San Nicolas. Despues nos lo sali cu nos defunto stima pa Santana Catolico San Hose na Savaneta.

Si en caso den nos tristeza nos por a lubida algun persona of famia, nos ta pidi nos mas sincero disculpa.

Staff y personal di Ad Patres Funeral Home & Crematorium ta extende nos mas profundo condolencia na famia di e fayecida.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com